



雲花記目錄

卷上

第一齣

本傳開宗

第二齣

定興開讌

第三齣

祖師說法

第四齣

僊伯降凡

第五齣

郊遊點化

第六齣

辭家訪道

第七齣

僊佛同途



第八齣

雲遊遇師

第九齣

從師學道

第十齣

夫人內修

第十一齣

檀施積功

第十二齣

群魔歷試

第十三齣

天曹採訪

第十四齣

奸相造謀

第十五齣

士女私奔

第十六齣

讐邪設謗

第十七齣

群僊會真

第十八齣

公子尋親

第十九齣

遊戲傳書

第二十齣

夫人得信

第二十一齣

超度沉迷

第二十二齣

嚴公寃對

第二十三齣

真君顯聖

第二十四齣

西來遇魔

第二十五齣

魔難不屈

雲花記
第二十六齣

聖力降魔

雲花記上目錄終

雲花記目錄

卷下

第二十七齣

公子思親

第二十八齣

公子受封

第二十九齣

面聖辭官

第三十齣

冥官逐聖

第三十一齣

卓錫地府

第三十二齣

閻君勘罪

第三十三齣

遍遊地獄

第三十四齣

冥司斷案

第三十五齣

普度群生

第三十六齣

衆生業報

第三十七齣

郊行卜佛

第三十八齣

陰府凡情

第三十九齣

窺園遘難

第四十齣

禮佛求禳

第四十一齣

真君驅邪

第四十二齣

上遊天界

第四十三齣

尼僧說法

第四十四齣

群僊會勘

第四十五齣

凶鬼自嘆

第四十六齣

討賊立功

第四十七齣

木侯夜巡

第四十八齣

東遊僊都

第四十九齣

凱旋見母

第五十齣

西遊淨土

第五十一齣

義僕遇主

第五十二齣

菩薩降凡

第五十三齣

西來悟道

第五十四齣

還鄉報信

第五十五齣

法眷聚會

曇花記下目錄終

曇花記上

第一齣 末上

長樂郡
振錄西
請看本

玉女搖仙珮，千秋壯氣一點靈臺。踏蹬風雲世路，
貝葉香廬桃花僊塢。急辦英雄退步，救閣陳歌舞。
歎風流一往都無深趣，請細看瑤宮繡戶盡屬衰。
草寒烟荒土何物最傷情，墓上牛羊天邊烏兔。
追省楚宮掩袖漢殿裁，紈總是蛾眉生妒。澆却彩
毫鮑郎才盡何事，又拈綺語身在清虛府。須不是
當日雕龍繡虎試妮妮，光明慧月廉纖法雨涅槃。

甘露人應悟別開一種金函部瑞龍吟英雄漢清
泰裂土封王朝歡暮宴西郊寶馬鈿釵片言契
合瞥遊汗漫○真堪羨感悟夫人回首蓮花菴
院二姬亦卸濃妝焚香掃地永辭絃管○正遇
天王鑒考施恩救苦衣珠盡散曠野一身淒涼
千種魔難尋踪訪跡孝子悲雲翰婦來踵尊公
勲業扶王定亂西竺蓬萊苑天堂地府俱遊遍
百鍊靈光現衛氏亦逢師三車盡演一門同證
曇花重見

會撒手的定興王金精鐵鍊
蚤回頭的衛夫人玉潔冰清
建功業的大小侯麒麟並画
秉堅貞的兩裙釵龍象同行

第二齣

生扮木清泰 旦扮衛德茶
貼扮郭倩香 小旦扮賈凌波

滿庭芳

生冕服上

胡馬南來翠華西幸衣冠盡染

腥羶手提一劍長嘯靖烽烟贏得金書鐵券玉璽
瓏冠珥貂蟬陳歌舞鈿釵繡襖行樂且當年靈武
鑾輿入帝宮咸陽依舊滿歌鍾功臣亦自開朱

邱妙舞清歌燭影中木清泰表字西來太原雲
中人也姿貌魁秀膽智沉雄幼習韜鈴略涉經
史授劍術於白猿變幻風雲之態傳素書於黃
石包藏神鬼之機邇者唐祚衰于中葉天子久
厭萬機艷妃煽禍羯虜乘危六飛雲奔百官星
散三靈失位九廟震驚下官與汾陽王郭子儀
同起節鎮戮力王家逆賊芟除鑿輿返正天子
告廟郊天論功序爵封子儀爲汾陽王下官爲
定興王皂帽金貂東朝賜第袞衣玉帶南面稱

孤富貴爵賞極矣下官思量起來戰爭良苦且
少饗其歡娛盛滿難居政不妨於奢慾九死艱
難致有今日百年迅速爲歡幾何下官愚見與
汾陽王意頗同夫人衛氏名曰德荼螽羽逮下
鷄鳴相夫貴以無驕美能不妒侍妾郭倩香迴
眸掩扇春風楊柳嫋嫋難禁賈凌波顧影拂衣
秋水芙蓉亭亭獨照真个是當歌憐子夜爲樂
及丁年不免請夫人喚侍妾們後堂開宴一番
夫人有請

菊花新 旦上 紅樓歌吹若爲妍青鏡年華私自憐
急管與繁絃可道流光如箭

前腔 貼小旦 纔勻眉黛曉妝前又着羅衣上舞筵

日照百花然花色何如人面 旦 相公萬福 生 夫人

拜揖 貼小旦 倩香凌波叩頭 生 二姬起來 衆

侍女叩頭 生 夫人今日春景融和鶯花韶麗正

宜與夫人宴賞侍女將酒過來

梁州序 生 風清皇路雲迴帝輦依舊堯封禹甸秋

槐宮井千官此日朝天還想我捐軀赴難泣血勤

王隻手把天河挽君王開爵土画凌烟不負金釵

玳瑁筵 合 紛舞袖搖歌扇丹唇素手紅牙按天不

夜酒如泉

前腔 旦 金刀腥在征袍血濺身上瘡痕猶滿間關

誓死收回百二河山堪羨你補天浴日攫雨拏雲

九廟孤忠見功成身合退老林泉雁柱鸞箏送暮

年 合前

前腔 貼 盛擺列綺席瑀枰儘着送金盞玉饌賜天

厨珍供內部梨園真箇是紅雲不度絳月全低仙

雲屯已上四

子清都宴雙成隨阿母下瑤天六甲靈飛五岳篇

合前

前腔小旦 瑤階下碧草芊綿芳樹上黃鸝睨睨喜

晴和風日正好流連雅稱的華堂錦罽寶埒香塵
羅襪靈妃淺上公花底坐暈朱顏都道華陽句曲

僊合前外庭作樂

節節高合唱 笙歌戶外傳鎮喧闐珠簾似隔蓬萊

院王家宴十萬錢朝朝辦酒中恩賞人人徧綺縑
金蠲連珠串合 今日清尊共看花人生莫遣花如

綫

前腔 淋漓錦瑟邊亞雲鬟臨風玉樹嬌扶倩衙官

散夜色闌春星燦監奴撒席收金盞侍兒拂枕鋪

羅薦合前

餘文時清更喜逢身健得歡娛且開笑顏老去何

人再少年

生 劔藏玉匣箭殺房 旦 粉黛盈盈列兩行

貼 解得百年終日醉 合 祗應三萬六千場

第三齣外扮西天祖師賓頭盧上

阿僧祇劫修行剎那時間瀟灑六時貝葉經中
五體蓮花座下誰識泥牛渡河又道石人騎馬
有則萬法俱來無時一絲不挂貧僧乃釋迦如
來大弟子西天祖師賓頭盧是也祇緣系劫修
行得遇給孤良會金鏡扶翳全蒙迦老鉗錘玉
杵降魔亦仗韋馱抖擻貫頂一針言下便超有
漏當機半句立時頓悟無生只因大事因緣來
此娑婆世界我想世上這些衆生好苦也沉酣
世味渾如酒蠻尋酸苦戀火坑一似燈蛾赴燄

爛臭底一副皮袋說俊說美枯體紅粉名爲糞
裡鑽香好險的兩字功名說富說貴傀儡戲場
真是刀頭餽蜜戀着處一味口裡流涎直待漏
乾娑竭海怒來時一霎眼中出火便欲燒卻須
彌山古今淪墮無非爲鬧攘攘的六慾牽纏晝
夜奔忙總只是黑漫漫的三途路徑如電如霜
最迅速不住停的是百年光景爲蕉爲沫極危
脆不堅牢的是四大身軀牀席上分明一個死
屍還說爭名爭利喉嚨裏纔有半點氣息尚思

報怨報讐直日功曹是固有記人上善惡簿子
裡直書定盤星分文不爽閻家老子是個無情
漢盡罪福業鏡中照出至公堂毫髮難容人世
難升易墜上得一步骨碌碌滾將下好一似跛
鼈爬深缸人身難得易失頭路一差白茫茫何
處尋好似盲龜撞浮木但使自沉苦趣落墜投
坑一去永無回轉日縱然再得人身改頭換面
重來不識自家人咳誰信此一件大事人人本
有个个不無迷則佛是衆生穿瓔珞的也會披

毛戴角悟則衆生是佛被枷杻的立可坐象騎
獅大衆你們不信哩你不聞釋迦佛子未成佛
日逐輪迴徧歷諸趣廣額屠兒放下屠刀不半
晌立證菩提迷時寸步千里風塵踏破鐵鞋悟
時千里目前日月高懸金鏡衣珠而一向行乞
咳誰知道衣裏有珠提燈而鄰家借炊呷卻原
來燈卽是火莫說成佛在靈運後單了个無明
無無明便趨寂滅莫說生天在靈運前直爬上
非想非非想難免輪迴若是不悟本心隨他絕

代聰明過人學問只播弄得三世精魂倘然不知佛性任教格天事業蓋世英雄到頭來是一場春夢會得的好似關將百萬軍中單鎗直入手刺顏良不會的好似項羽八千兵散疋馬逃亡身迷大澤有如執有死生怎脫得胞胎驢馬假饒撥無因果又未免業報獼猴大凡要種福田先除業識莫求聖解且盡凡情天上一般樣的雨天宮落的是珍寶修羅宮落的是刀鎗人間落的是雨元隨法界業因地下一般樣的水

天見是琉璃餓鬼見是膿血魚見是窟穴人見是水總屬衆生情見業因不盡縱如摩醯異相報盡還來情見未忘便如鶩子辯才終非了義理因頓悟機鋒合下承當如破數節之竹事以漸除階級必有次第如登九層之臺字必前阿而後茶地必化城而寶所自了非普度之聖雖神通變化不是住頭恐黃蘗砍吾雙足苦行非圓頓之門卽德行孤高尚難歇脚笑懶融輸彼三車舟行大海風波裏牢把定柁竿馬臨峻坂

危險中急收回韁勒萬人坑裡打破疑團纔喜
得離窠日千丈崕巔踢翻筋斗這遭永脫輪迴
將此身心奉塵刹是則名爲報佛恩定與王木
清泰乃是西天散聖焦鏡圓因微過謫于人間
爲唐朝節度使安祿山反叛入都唐天子播遷
幸蜀清泰與郭子儀剪滅妖氛肅清宮禁鑾輿
返正唐室中興論功進爵裂土封王勲名何加
富貴已極但恐其沉身苦海失足迷途祗執現
在之身忘却來時之路如來遣貧僧點化此人

早還淨土須索走一遭也 弔場

第四齣

未扮山玄卿上

靈峰高嵯峨貝闕中天起青霞繡柱外白霧瑤
窗裡婆娑凌歎塵乘化觀無始朝遊碧山阿暮
還清溪泚颺輪無去來天地相終始自家蓬萊
仙客山玄卿寂寞棲幽清虛遠俗尋師了道度
世登真玄竅開通鍊得三花聚頂河車升降養
成五炁朝元知念中無念黍米結子混沌如綿
了生外有身神化脫胎虛空若粉霧縠霞衣何

用寒披榭葉天厨玉饌豈須飢采山花碧落飛
行雲路霎時萬里滄波清淺仙期少別千年定
興王木清泰原是東華仙卿後證西方散聖近
因微過被謫塵寰破賊立功封王受爵太上慮
其祗貪後福遂昧前因遣貧道下凡點化此子
須索走一遭也遠遠望見一位聖僧來了相見
介未呀元來是西天祖師賓頭盧祖師稽首外
仙子免禮未請問祖師到此何幹外你不知道
吾奉如來法旨來此娑婆世界點化木清泰未

祖師元來如此貧道亦爲此而來外如此同往

清江引閻浮世人真苦惱爭似我西天好貧迷衣
領珠賊劫吾家寶怕你失却人身何處討

前腔末茫茫百丈紅塵道爭似我仙家好胸中膏
火煎鏡裏容顏槁你看古塚纍纍盡荒草並下

第五齣生領將士女伎騎吹上

傳言玉女春滿皇州車馬西郊馳驟雨拋金鎖苔
臥沉鎗時候英雄閑却且消受紅粧翠袖試尋芳
出郭水明山秀十隊紅粧結束齊馱笙載酒出郊

西佳人金縷青絲髻駿馬銀鞍碧玉蹄芳草平
鋪官路軟垂楊斜罨画樓低踏歌連袂紛遊女
一曲襄陽過大隄下官閑居無事值此勝景良
晨風日熙明山川秀朗分付左右將士準備鞍
馬優童侍女打點笙歌山西郊外尋春行樂一
番祇候何在祇候上前隊貔貅衝曉色後車鶯
燕襍春聲稟大王寶馬鈿車銀鞍玉勒步障隱
囊花瓊繡毯縷衫檀板錦瑟瑤笙悉皆齊備請
大王出郭尋春生傳入後堂令郭賈二姬帶領

隨行女使一班同往貼小旦帶領女使携笙簫
將士弓劍鼓吹上

踈影蛾眉描就試輕添粉黛重整衫袖紫紮弓彎
頻揎繡帶又將金紐牢扣合石榴裙罩桃花馬生
只怕寶釵欲溜請看柳媚花嬌正是尋春時候相
見介生分付衆人一齊上馬

画眉序勝日好郊遊一帶山川錯如繡看霞紅樓
閣水綠汀洲虹梁照縹緲仙都鴛瓦映參差雲構
合麗人齊鬪春風面家家繡戶簾鈎

前腔

貼小旦

玉勒傍銀驅笑捉金鞭怯纖手道蓮

生寶凳別樣風流春山遠黛色初勻野水淨縠痕

微皺

合前生

左右前面甚麼所在衆前面山下平

坡如掌細草濃花諸貴戚王公臺榭都在此處

可以下馬散步生快到那邊停車下馬

前腔

柳外繫驂騶一曲清歌一尊酒喜妖童嬌女

錦瑟箜篌園林遶宛轉銀塘亭榭嵌瓊瓏岩岫合

前

前腔

貼小旦

含笑復含羞無奈人來疾回首儘頻

看約指佯整搔頭雕鞍上暖日融和香袂裏汗衫

濕透

合前

前腔

生

錫土列王侯帶礪山河聖恩厚願君王行

樂萬歲千秋瞻城闕薄暮言歸徵歌舞明朝還又

合前齊上馬科

滴溜子

衆

風日好風日好共成勝遊人生裏人生

裏歡娛不久名姓史書儘有現前未老身頻開笑

口不挂無端世上憂

鮑老催車馳馬驟王孫行處人烟轉鳳簫細續鸞

笙奏歎英雄回首中藏機殼試問燕秦丘隴何人
守韓彭蒞醢君知否這盛衰須參透

雙聲子 郊西路郊西路桑葉亂羅敷首城南騎城
南騎柳絲拂王孫袖人如織人如織擁道周擁道
周看樓前蹴鞠花裡藏鈎

餘文 風光歲歲還依舊青鬢俄驚又白頭便是明
日陰晴也未可謀 外扮醉僧上攔路 平生醉裡顛

蹶醉裡卻有分別明朝酒醒歸何處楊柳岸曉
風殘月 左右呵喝不動介 稟大王前面有一個

醉僧攔路 末扮風魔道人上攔路 倒翻銀河半

灣撞碎崑崙一角上帝罰我害風四海蓬頭赤

脚 左右呼喝不動介 稟大王前又一個風魔道

人攔路 生 和尚道人過來你兩人既爲僧道怎

麼不守戒律飲酒風狂攬吾去路 外 我不參禪

不說法終日醺醺醉麩糝假饒撞着老迦文當

頭一棒便打殺 生 道人你爲何如此風狂敢是

有病麼 末 人人道我有風症卻是風魔不是病

世間多少假惺惺不識自家真性命 生 這僧道

說話雖狂却似有意和尚近前來我問你住在何方是何名字外我虛飄飄雲水何處是我家鄉圓陀陀本身那里有甚名字大王我且問你你今自叫做木清泰太原雲中人氏你前生是甚麼名字住在何處生怒這禿廝我怎麼知道外你却不知生道人你的風病何年染成的如何不醫治他末我自混沌初分得病也不記得起自何年我怪世人惺惺因此不醫此病生這兩個風魔僧道在我王侯面前無禮敢說這等

大話外大王得罪了你說是王侯你聽我道者混江龍你道是王侯位高千年胙土錫分茅真箇是堂迎珠履戶擁旌旄帳下義兒懸玉帶襁中孺子插金貂響一派裊裊遏雲璈列兩行楚楚如花貌受用的晝添桂釀夜續蘭膏生我蕩寇立功取黃金印如斗大懸之肘後好不富貴也

油葫蘆外只道是富貴黃金鑄得牢又誰知一旦拋須更少壯成衰老身子裡紫綬雖堪貴頭兒上白髮不曾饒悲來有今夜運去沒明朝恩情那得

戀歌舞爲誰嬌容華謝桃李憔悴掩蓬蒿恨無情
抔土斷送幾英豪今古價有誰逃

天下樂

末

當日功名仗寶刀掙爵土與兒曹到頭

也湯雪消從此後枉持杯向墳上澆冷落了宛轉
吳謠消停了娉婷楚腰又何須上銅臺那魂怎覺

生

我抱負經綸才調通今博古那些不曉來你

那僧道知些甚麼來

北節節高

外末

抱負了經綸經綸才調只不會悟

禪悟禪聞道偌大英雄正好得意時無常來到挽

了夫人覷了愛妾將兒孫囑着捨了金寶撇了愛

寵辭了聖朝獨自箇苦伶仃黃泉路遙

貼小旦

大

王這兩個風狂僧道無禮一味胡言大王不要

聽他撚了他去罷

生

不須撚且聽他再說

元和令

外

這兩箇分明孽妖直害得人眼光落準

備着管弦夜夜與朝朝儘人前賣弄俊嬌有一日
水流花謝粉褪香消你風情那里討

上馬嬌

大王你是箇大丈夫怎迷戀兒女曹呀只

逞目下莽雄豪卻等閑忘卻來時道怎不覓舊根

苗

勝葫蘆

未

你只看古塚新墳侵野潦有多少貴官

僚早見狐狸穿墓道珠襦玉柙桐棺瓦器一樣草

蕭蕭

左右

天色已晚請大王回府

生

且消停這個

僧人還有話

外

料此際錦席華堂燈燭耀待歸去

好良宵綽約金屏珠翠繞歌開檀口弦攏纖指河

漢轉星杓

生

你這僧道可知我府中風景麼

後庭花

外

只愛着錦堂春風景好那里管月華沉

天色曉假饒千載常如是也便儘風流將擔子挑

不逍遙猛可裡做水痕兒微泡戲棚兒收拾早弄

虛脾猢猻圈套有幾箇夜與朝報閻王東帖兒招

形骸瘦鬢髮焦一場兒沒下稍

生

和尚這個都說

的是你既是這等有道有識怎麼自家喫得這

般兒醺醺兒醉可也不照管自己

柳葉兒

外

呀你笑我自家不照恁醺醺終日醞醞

救喬做喬怎便肯洩真消耗待梅香噴雪兒消那

時節纔和你說不醉的心苗

生

你出家人有什麼

好處

未

有好處

外未合

寄生草 三花樹開應遍九蓮臺路不杳把僧伽換
卻烏紗帽雲衣瓔珞香烟罩金沙細路幢幡導只
這箇天宮七寶佛莊嚴煞似王家五等官封號
尾聲嘉餼桂花凋鼠啣枯藤倒便從此撒手回頭
欠早莫等到席冷筵殘人散了一沉苦海中永劫
難撈但靈消誰認皮毛鬼窟翻身知幾遭平生意
氣豪只爭一些兒不到這時節那里尋貴王公官
品兒高並下左右我被這兩個僧道說得一片熱
腸冰冷了快收拾回去

生 邂逅逢僧話

貼狂言卻指迷

左早知燈是火

衆飯熟已多時

第六齣 小生扮木龍駒

院子上 昨日繁華今日冷淡苦海無邊回頭是
岸俺老爺從西郊回來忽然分付小人製一副
道衣說要雲遊出去夫人公子知道好生驚呀
不免在此伺候則箇 生道裝上

憶秦娥先西天近金繩覺路明勾引明勾引道情
頓起壯心消盡誰把金鉶劈面撇明人不用多饒

舌丈夫胸懷烈火燒沃我醍醐冷如雪化去知
他黃鼠肝嗜來多少青蠅血弩下逃生急不收
一朝便與妻兒別我木清泰世間奇男子濟世
愛民扶危定難忠勛不小爵位已高青史許我
標名紅妝可以送老世事到此足矣只是我這
一點靈性無處追尋一副骨頭沒有下落昨日
在西郊遊覽遇着兩個醉和尚風道人說一片
言語機鋒頗對靚面相撩撥得我心花頓開毛
骨盡悚我如今思量起來終日戀這個火坑中

何時有出頭日子早上修成一本封進與皇上
辭了爵位別了妻孥我待逍遙雲水訪道尋真
去也不免請出夫人公子和侍妾們辭別則箇
旦貼小旦上

憶秦娥後東君若箇傳春信眉端一夜添新恨

生上

添新恨且倩取舞衫佐酒名花消悶

相見介

旦

相公你今日怎麼忽然這般打扮

生

夫人我

思量百戰功成五衰相現年光有限盡皆野草
荒墳閻老無情不問王公貴戚麟脯龍肝早起

仍還枵腹蛾眉鸞鏡轉盼已是衰容恩情寵愛
百年未免分離富貴榮華一夢都成虛幻泉路
茫茫那得親知在眼遊魂渺渺惟有罪業隨身
狐踪兔穴儘教草土縱橫馬腹驢胎一任冥司
差遣眼下欲逃生死惟有學道修禪我如今特
請夫人兒子們出來辭別去雲水之間尋一條
出世的大路倘得成道日後自有相逢兒子龍
駒伶俐老成可以襲封繼後不墜家聲侍妾郭
倩香賈凌波青年難守我有貧交二人同郡秀

士呂非熊蒲東秀士令狐翹並年壯負才家貧
未娶夫人可做主張將二女嫁與兩生勿索其
寸絲爲聘我從此逝矣

旦驚介

相公如何忽生

此念莫不是驚殺我也倩香凌波過來相公昨
日帶你們往郊外遊翫回來從何忽有此話

小旦

昨日老爺在西郊外行春偶遇兩個醉和

尚風魔道人講了一片說話卻不知老爺怎的
便生此念

旦

相公不要說這箇話功成名遂正

好爲歡若要修行在家亦可分情破愛遠別何

之快不要小生 爹爹年力未衰朝廷倚重兒子

春秋尚幼孝養全虧怎便捨得撇了母子飄然

遠去聞言驚詫請爹爹三思貼小旦 老爺雲遊

遠涉辛苦怎禁僧道風狂語言難信侍妾輩不

足論怎忍撇了夫人棄了愛子永辭榮貴獨受

淒涼雲水之言請勿再道生 吾意已決不必多

言

園林好辭榮去母子休得要怨嗔辭榮去尋師問

津思量起流光何迅我怎肯戀紅塵我怎肯戀紅

塵上哭介

前腔君本是天朝貴臣怎做得雲遊道人平白地

飄零一瞬好教我痛傷神好教我痛傷神

江兒水貼小旦 頃刻添離緒低頭掩淚痕無端饒

舌把闍黎恨花言暗地裡將人引漁翁釣罷金鈎

褪骨肉如何投奔合 悔去尋春須信歡為禍本

前腔小生 堂上歌鐘在階前萊綵新一朝分手把

天涯問遼陽路遠也難通信鶴歸千載無憑準父

子思深怎忍合前

雲花已上二十

五供養生鐘鳴漏盡轉眼衰殘鬢髮如銀萬緣俱

是假一法幾曾真旦相公你如今要往那里去生

從此去雲水間東西休論流沙應有路弱水豈無

垠合縱使歸來怕道容難認

前腔旦君無出門俺娘兒倚傍何人一生逢泰運

此日遇災屯你飄飄只此身何處去風霜淒緊旅

邸誰為伴衣冷誰與溫合前

玉交枝貼小旦心中暗忖盼天涯已在脚跟佳人

薄命應先隕從茲眉黛羞勻君今脫身歸白雲妾

寧易主調紅粉合最可憐生前永分最可憐別後

斷魂

前腔小生煙姿霞韻也應知生來往因把金章紫

綬看塵空霎時剖愛分恩如今叔卿行采真他年

度世難尋問小生爹爹苦要去訪道如何一人獨

行小心勤慎的家奴帶一个客中也好伏事生

我出家要修苦行豈可帶家奴伏事不消不消

旦妾有金珠八寶乃皇后娘娘賜與妾身的將

此盛一小囊縫在相公衣裏聊表夫婦之情前

途亦可濟急生濟急二字說得卻好夫人這個到使得旦取金珠縫囊科

前腔孤身前進怎生禁淒涼路貧把雄貲鉅萬都拋盡一家陌上遺塵旦停針拭淚科衣間寶珠妾

自紉眼中紅淚如線滾合前生夫人我家曇花閣

下有曇花樹一株我折一枝插在庭前此是西土佛樹東土難栽若此行得證道果後會有期曇花無根生長茂盛若是無成曇花萎死留此

為記 折取挿科

前腔西方奇品看曇花婆娑映人一枝花手插留幡信願東皇暗長靈根從知百花皆有神况兼諸佛來相印合前生夫人大丈夫既興出世之心豈復

存兒女之戀欲超苦海先斷愛河我去也我去也下眾哭倒科

川撥棹合唱君行緊一家人俱哭損但願得果證三身但願得果證三身早歸來曇花正春合怎教人不悵神便途人也不忍聞

前腔從此羅衣空疊塵從此薰籠香不焚急面君

王將此情陳急面君王將此情陳把玉帶貂蟬還
與君合前

餘文封王拜將懸金印陡然間山林遠遁始信英
雄自不群

旦采菱歌斷木蘭舟貼嫁得蕭郎愛遠遊

小日暮未知投宿處合滿天風雨下西樓

第七齣外末同上

外道術分三教源流本一家末仙人拾瑤草佛

子坐蓮花外南瞻州堪度西天路不賒末悟時

水泮水迷處飯蒸沙外仙子我與你商議六度

萬行我祖渡河寶筏全在慈悲八百三千你家

升天靈梯亦先功行弘慈普度你我宿心爭奈

此世界衆生罪累深重根器淺薄沉沉黑業碌

碌紅塵不信法輪轉生疑謗以故地府惟專治

有罪佛祖不能度無緣可歎可歎你我並奉祖

師法旨來度世人定與王木清泰被我二人三

言兩語撥轉他心飄然辭家尋真訪道果是个

有宿根的善知識猛回頭的大丈夫但恐其塵

緣久汨道念難堅我和你須教他徧歷諸境磨
鍊身心要積福田先修苦行末祖師所見極是
仙道清虛佛門廣大弘慈普度原讓如來祖師
此後大闡門風弟子在傍拱聽法旨外真空妙
有無生不說長生忠孝淨明仙道原非外道菩
提妙覺最上無倫高真上玄亦自可貴仙道清
虛不染若要再超須用皈依三寶佛門廣大無
邊既云普度豈得獨舍諸仙如來與上真在虛
空中道法相與師徒甚歡只是無知的野道人

不聞佛法詆祖位爲精靈不廣的禪和子未究
仙宗罵真人是外道兩家聚訟積漸成讐此是
後世子孫所爲並非當時老祖之意我如今與
你同在一塊正是欲明此事哩木公將到可以
迂之末待木公到來善巧方便祖師無恡撩牙
藝壓當行弟子不須開口

外莫怪老僧饒舌

末此僧老婆心切

合願希普門大士

不作辟支菩薩

第八齣

生道裝上

一枝花籠裏家鷄初放雲中野鶴翱翔且喜凡身
尚無恙木落歸根一夜霜尋師道路長兒女牽衣
泣淚頻丈夫此處度關津仰天大笑出門去我
輩豈是蓬蒿人木清泰弃官爵富貴撇妻子家
筵眼見得脫了火坑也只是孤身渺渺前路茫
茫求道未有入門進步不知去向昨日撞遇這
兩個方外人尚未知他是凡是聖只言語可也
不凡他既撥我出家因緣必有个下落大丈夫
業已出世一身便是浮雲且信步聽天再作道

理

新水令 一朝揮手謝君王脫朝衣把布袍兒穿上
纔離了歌舞地蚤來到水雲鄉兩袖飄揚兩袖飄
揚覺耳畔天風響

步步嬌 苦海茫茫深千丈今古皆淪喪英雄沒主
張誰駕慈航穩載我離風浪今日裡一旦悟無常
神魚跳出青絲網

折桂令 出華堂拜別糟糠離了青閨撇却紅妝還
想我沐雨經霜身中鎖甲手裏沉鎗博換得玉帶

金章忽然間野服新裝這纔是猛烈英雄小可的
凡腹難量

江兒水 煙水千層碧雲山一帶蒼茫忘機的野鳥閑
來往好風吹去蘆花舫娟娟月照在漁竿上物外
年光別是一般情況

雁兒落 待尋箇老衲子薜荔房怎戀着粉骷髏笑
蓉帳磬聲中蒼荀香幡影外優曇放終日裏稽首
向空王親眼見玉毫光參師祖經威棒問天醫借
藥方何妨衝一味混俗的風魔樣相當我且去訪

雲門叩石霜

僥僥令 昨日金針手內藏明挑出繡鴛鴦覲面相
逢肯廝放撩撥得兩投機心自想兩投機心自想
收江南 呀明說道好筵席定散歡樂過轉爲殃夢
甫覺邯鄲一枕熟黃梁瞥然回首悟無常因此脫
功名戲場怎等到身兒衰朽鬢兒蒼

園林好 老闍黎知他那廂病風魔多應是假狂口
吐出金莖蔗漿頓使我熱心降頓使我熱心降
沽美酒 踰芒鞋走道旁提托鉢乞齋糧誰識當今

侯與王雖然侯與王渾不是舊行藏舊行藏改却
僧伽樣潮汐有晨昏消長烏兔有東西來往我呵
從此永辭画堂遠離故鄉要歸來除非是擁幡幢
在蓮花座兒上

尾聲孤雲野鶴身飄蕩大地山河纔一掌便西去
恒沙也只半餉下

第九齣

外末同上

天上英雄豈無故富貴功名草頭露金針一撥
轉瞳人回頭便指西天路木清泰被我兩人喚

醒辭家入道雲遊來了仙子我和你不免接引
他一番遠遠望見來也生上雲山烟水路茫然

竹杖芒鞋散誕仙綉帶鴛鴦留得在金針知落
阿誰邊遠遠望見二位僧道想必就是前日西
郊相遇的了相見介二位師父木清泰昨日蒙

二位師父點化猛然省悟回家即便別了妻子
棄了功名來隨師父修行辦道出門信步岐路
茫茫無處尋覓高人踪跡正在此苦楚傍惶幸
得邂逅相遇只望真師接引了道歸真出離生

死外我兩人邈邈雲遊止求衣食豈能度人昨

日酒後狂言何必深信大王你怎麼就起這個

念頭莫非錯了生師父你休要瞞我你昨日言

言良藥句句慈航豈不是有道的高人我弟子

既已出家理無退轉伏望慈悲指引路頭下拜

科外

大王你既真心出家吾當指引我且問你

你今辭榮遣愛能不悔麼道門清苦戒律甚嚴

你能持否儻或不能出家也無用生大丈夫既

已捨樂就苦決定甘心受戒持齋必然不犯當

發誓願請勿過疑外可喜可喜你能如何患

大道不成我等敢辭拔濟末大王你便當拜大

和尚做本師外大王你當拜道者做導師生拜

外科

一自蒙師指授驀然針芥相投伐薪給水

願從遊長侍蓮花夜漏生拜末科宿世因緣輻

輳雲駟遠自丹丘金匙銀籥片言抽合下玄關

開透外原自西方法友末偶然失足闖浮外一

言半句便回頭末鞭影良駒馳驟

駐馬聽

生

印度西方玉界金沙路渺茫全仗明師

指導暗室香燈苦海慈航願離五濁向雲堂長依
七寶遊龍藏合選佛名場梅檀座下跏趺合掌

前腔外一入禪房壞色麤衣薰戒香須要削除煩

惱打滅塵勞深念無常一朝了悟見靈光幢幡導

引在蓮花藏合前

前腔末洞府仙鄉授汝長生不老方須要九還七

返凝神絳府積炁黃房皮毛脫落木經霜此時便

是如來藏合前外西來修行之事理雖頓悟功必

漸修要鍊身心須歷境界佛國仙都天堂地獄

俱是遊到的你却不可不知生憑師父指引

外莫問一花開五葉末且修禪土住香臺

生山中昨夜西風急合擲落羅浮萬樹梅

第十齣旦道裝上

逍遙樂自君之出矣檠戟門庭清似水年華何況

鬢邊催收除釵釧褶疊羅襦結束緇衣少小住華

屋複閣連雕簷良人耀蟬冕妾亦榮鸞簪但知

召歌舞何嘗親柔蠶邀人傅脂粉不自着羅衫

一朝光景異惠風扇囂炎良人脫朝服稽首事

瞿曇賤妾亦何爲孤棲戀香奩願學優婆夷三
寶同修叅妾身衛氏嫁與木郎夫君弃室尋師
辭榮入道鐘鳴鼎食之家一旦冷如冰雪妾身
思量起來男子既能省悟我婦人何獨痴迷鸞
誥龍章錦衣玉食數十年於我足矣如今已令
人築一淨室名曰蓮花菴皈依三寶薰修六時
優塞亦有優夷龐婆要追龐老既可了我生死
亦不玷辱夫君豈不美哉想公臨行囑付將倩
香凌波二妾出嫁秀才不免喚孩兒二妾出來

分付則箇 貼小旦上

遶地遊紅妝盡洗蟬鬢無心理盼不到天邊夫婿

小生上

雲山烟水何處尋遊履流不盡思親雙淚

相見介旦

倩香凌波過來老爺臨行囑付將你

二人出嫁秀才便可遵老爺嚴命治裝我盛備
房奩相送孩兒你可將此意好生傳與呂非熊
令狐翹二秀才玉成好事免誤青春 小生諾貼

小旦跪云

好告夫人得知老爺既辭家訪道夫

人亦在宅修行二妾雖裙釵賤流葑菲下體豈

無道念亦有人心身披羅綺口饜膏粱一向受
老爺與夫人撫養深恩未能報答老爺既脫履
挂冠持瓶鉢而遊方外二妾豈忍施珠浥粉抱
琵琶而過別船愿做兩箇道姑在淨室中伏事
夫人焚香掃地一同修行一則表犬馬戀主之
情一則希蛤蜊生天之福二人意已決矣望夫
人矜容旦說那里話你二人青春尚幼白日難
挨豈能受此清苦貼小旦夫人現受淒涼二人
愿同甘苦想夫人不信我二人至誠不免對天

設誓天地三光若郭倩香賈凌波二人修行意
思不信不誠情愿生受災殃死墮地獄旦好好
你二人能如此我心甚喜修行是好事卻大家
與老爺爭口氣我如何不聽從眼見得蓮花菴
中三淨尼也

集賢賓蓮臺寶刹新構起雲冠嚴淨毗尼瓔珞如
來幢蓋裏看紺髮參差螺髻曇花旖旎紅閣外爐
烟裊細合天似洗塵不到竹牀鬆几

前腔貼歌樓舞榭局不啓生疎子夜前溪清楚斜

陽金磬裏正水綠霞紅鮮霽香薰戒體新學得青
蓮半偈 合前

琥珀猫兒墜

小旦

莊嚴七寶木樵對軍持同向蒲

團禮六時跏趺未慣整霞衣休疑死抱芙蓉冷落
荒陂

前腔

小生

香殘日晚明月伴琉璃一卷楞嚴手自

披迦陵啼過竹林西堪悲寂寞龐家盡向菩提母
親一家俱已入道教孩兒獨自一箇支持門戶
好生苦楚父親雲遊杳無下落孩兒明日要出

門尋訪儻得一面死亦甘心

旦

孩兒乾坤落落

雲水茫茫那里去訪就是尋訪不着也盡你一
點孝心儻天憐念得一相逢也不見得這箇我
不阻你但你父親飄零你又出去怎教爲娘的
不憂念倘得父親消息須急早回來慰我懸望
孩兒你便可收拾行李明日起身 合唱

簇御林尋消息盼路岐訪松林傍竹扉行蹤多在
清涼地若相逢問取歸來未 合 遶天涯桃花源水
雲樹恐淒迷

前腔 驂玄鶴駕赤螭杖爲龍舟是杯好風颯颯吹
雙耳遣凡情不洒臨岐淚 合前

旦 一家骨肉各西東

貼 脚底雲山千萬重

小 聚散人生應有數

合 浮萍大海也相逢

第十一齣

貼 扮黃妙瓊

淨 扮呂翁

浪淘沙

外上

說法墜天花寶積楞伽言言妙義是

摩他悟得青蓮生足下彈指恒沙

前腔

末上

洞口碧桃花棗大如瓜石梁仙鼠白於

鴉要得青鸞雲裏跨一粒丹砂

前腔

上

隻履踏天涯西去誰家回頭不戀舊繁

華白馬青牛看並駕覺路無差

外 西來我們三人

雲水同遊不須問路且信步閑行散誕逍遙則

箇生

師父如此却好

貼 哭上

羅敷遇千乘提筐

在桑間鼠牙速我訟都只爲紅顏三位師父稽

首生

娘子何處人氏是甚姓名緣何獨行路途

啼哭

貼

師父不敢相瞞妾乃閩鄉人黃氏妙瓊

嫁與同邑鄭生爲妻巨豪洪貫貪妾姿色百計

謀占不遂陷夫死罪繫獄家貧如洗資糧盡絕

巨豪欲以計斃妾夫于獄中只得沿街求乞且
圖控告世間豪俠丈夫意氣男子出力相救師
父們慈悲方寸容妾一言

小桃紅紅顏薄命白璧堪嗟妾禍從天降也相逢
狹邪要我重婚嫁豈做出牆花願配一鞍跨一馬
忍又抱琵琶也總爲蛾眉生鼠牙死葬青陵下泉
路未賒肯學無言息國娃生這娘子說得好苦師

父激起我生平千秋俠氣一片熱腸娘子我不
是道人乃定與王木清泰是也喬裝到此我與

令交好作書一紙救你丈夫我衣襟中帶
有金珠八寶一小囊盡行布施與你去救取丈
夫不免借道旁客店修書者入修書上書與金

珠在此娘子你收了去管教你夫婦重圓也貼
拜謝多謝公相妾身有眼不識貴人拜外拜

謝下父灰心只道逢禪客擡眼誰知是貴
人下淨上無兒恨伯道有女如中郎嫁女與征

夫不如弃道旁前面來的道士我認得是定興
王木公緣何道裝在此待我向前試一問他相

見介淨 相公是定興王緣何這等打扮生不要

閑說請問老翁何人淨小老是章丘呂翁家貧

無子止生一女老景飢寒只得將女賣與西征

將士今日去與媒氏通言

下山虎苦逢厄運垂老無家生得娉婷女年纔破

瓜將他遠嫁邊城眼見飄零路花馬上明妃悲塞

笳忍聽淒涼話晚景何人送歲華形影孤燈下怎

禁得霜冷月斜死有青蠅來弔咱生老翁如此年

邁上生一女怎忍遠嫁邊塞你既識我我作數

生你到我家中取白金百兩相助我頭上道

巾有玉環一枚身上道衣二件盡數與你畱下

此女從容嫁與本處人氏老景有靠淨泣拜謝

怎當得相公如此深恩殺身難報昔魏妾父老

人杜回之鬼結草以報魏公衰朽遊魂願附此

義生區區小事不足挂懷請了淨下外西來你

慈悲拯物功德甚好只是既已出家須當埋名

滅迹如何又與人說出舊日行藏末將佩瓢取

法水喫生面師父西來是王朝貴臣天下何人

不識雲遊往來不便弟子將法水喫面頗改容
顏師父你還認得否外我慧眼如何不識但可
以瞞過肉眼凡夫耳西來我有一事與你商量
我在西天爲如來構大殿一所功程浩大費用
數十萬金久不能就你家產盡捐便可完成美
事你捨得麼生師父出家之人檀波爲上頭目
腦髓尚且要捐何況區區家產便當盡數布施
不敢留下分毫外這等卻好只是日後你妻子
朱之飢寒如何是好生骨肉假緣恩愛枷鎖學

入豈顧妻孥外既如此你可修書一紙與
我去對你兒子取用却不可悔言生一言既出
決無追悔入修書科師父請收何日去領外笑
貧僧那里要錢西方何嘗造殿不過試西來本
心耳善哉善哉你本心如此入道如箭生多謝
師父教道

蠻牌令甘冷澹棄榮華叅幻泡覷空花黃金如土
塊白璧等泥沙儵然一物都無罣只尋覓道種根
芽望師尊金鞭蚤加妙轉孤輪速證三車

憶多嬌外末合心可嘉行不瑕六度檀波具落伽
一念慈悲印釋迦記取龍華記取龍華自度還須
度他同下

第十二齣

迦葉聞箏起舞阿難聽樂心狂宿世曾司曲部
始知結習難忘木清泰從師入道世念漸灰昨
日被黃妙瓊訴巨豪作橫妙瓊夫婦深冤不覺
雄心勃興故態復見慨行拯救自道姓名被師
父已破當門一針不覺茫然自失今日同師父

曠野天色漸晚人影盡絕止有古廟一所
教我在此住着二位師父往前村乞食去了看
看紅日沉山黑雲布野空堂寂寂香火寥寥颯
鼠緣堦怪鴟啼樹好淒涼光景也不免在石凳
上少坐待師父回來

脫布衫想當年提劍遐征掃狼煙手斬長鯨殄豺
虎收復神京画麒麟儘留名姓

小梁州到如今一悟翻然出火坑木落霜清英雄
氣盡薄浮名還思省風靜浪花平

么烏啼日落空山
暝走蝶蛭狐兔交
并樹葉鳴人烟靜
殘陽古廟藤竹亂
縱橫

上小樓婆娑踈影
跣趺石磴想着我
朝宴華堂晝出荒
郊夜宿寒垵這是
俺出家人修身苦
行當日雪山叟也
從茲得證更深夜
靜了二位師父還
不見來

么他可禮如來依
淨瓶乞香積搖金
磬不念我野曠天
寒日暮人稀隻影
孤形

內作雷電科

呀卻怎

么

合風轉勁靈霞布
令霎時電掣與雷
轟四

么

嗚谷應頃刻間大
雷擊碎廟門烈火
燒我

衣袂雷神我木清
泰是箇豪傑平生
不曾作負心事何
怕你天丁力士六
甲四哥一齊來也

耍孩兒蠻雷使者
威權盛挾仙火邵
陽爲政如拳雪電
打踈樗古叢祠棟
宇將傾莫不是投
壺帝笑天孫女竊
玉神追太白精我
慮澹神還定道心
何切性命何輕

巨蟒上科生

又有巨蛇數頭張
牙露

吻向我

二煞看巴蛇吞象
能鋸爲牙骨若陵
腥風毒霧彌

蒼嶺莫不是堦前邨后生前報林下妖童擣藥靈
業趣還相應只世高能度料劉寄何驚

猛虎上科

巨蛇已去猛虎又來此山今夕怪事何多也

四煞這於菟跑地鳴先驅到鬼偃山君舊號何凶
狞叱威曾說巢居叟解鬪猶傳峰頂僧業畜迷真
性你有雛自愛忍食啖衆生

鬼上科

呀又有許多

鬼物來了你看奇形異狀百怪千妖曠野之中
風雨之夜安得無此吾心素正汝輩奈我何哉

前

古德云山鬼之伎倆有限老僧之不見不

躬我木清泰雖不才願學此老

三煞向更深敢現形嘯空梁颯有聲山魃木魅紛
蹤影妖狐九尾能爲崇老表千年亦作精何心照
張華鏡自信我靈光不動一任你伎倆相呈

鬼作

語科

我輩是戰場上鬼兵生前被木清泰殺死

今日特來索命

鬼向近生科生

咄小鬼休得無

禮我是世上奇男子今日雖孤身曠野豈肯怕
汝鬼物就是戰場上廝殺一鎗一劍非你卽我
我爲王家出力那怕索命

二煞沙場苦戰爭刀頭決死生這是爲王家出力
殲梟獍迦文殺盜曾超劫軒后成仙亦用兵我和
你覲面還相證定知是黃泉不負堪笑你白骨空
靈

鬼子作詩

戰場對壘相殺猶可解者我輩是

被你這厮枉殺的自然要償命

生笑

你說枉殺

我卻不知也罷明日到陰府殿前證明果是枉
殺你我何難償汝性命君不聞釋迦猶報金鎗
師子尚償宿債乎我木清泰是頂天立地的丈

夫 頂陷胸的男子那怕死來

鬼退科生

宿障多懸知道力輕一身歷試嘗諸境
手中未有降魔劍心 彌堅出世情猛可里來深
省假饒是千魔不動不負我百戰豪英

煞尾終夜怪已消東方天漸明雲開依舊是晴和
景想着我師尊團瓢兒上在那里瞋外 萬境

俱是幻諸怪豈爲真幻中了却幻始見本來身
木公夜來失陪了生 二位師父不在弟子在此

廟中被千魔萬怪師父你怎的也不來搭救我
外末 善哉善哉諸魔杳來一心不亂炯炯靈明

真个是好男子也

外 認取道高一尺

末 莫問魔高一丈

生 小舟曾遊大海

合 那怕拍天風浪

第十三齣

牙先衣幙頭扮毗沙門天王使者領眾神將力士曹使上

上帝神霄迴天王使者尊巡行周四部轄治徹
三輪位遜須彌頂光應日月隣平衡毫不爽明
鏡照無垠小聖乃毗沙門天王部下採訪使者
是也皂幙金銷南 祿籍避衣玉帶吾王貴臣
堂 上之威權書人間之善惡闡浮男女廣作

怕終不改天界君臣互相巡察賞罰無差

每月初八二十三

我天王使者十四二十九

是天王太子月望月晦是天王自身下來世界
逐一考察人間所作不忠不孝謀反劫盜貪虐
殺生暴殄淫邪嫉妒嗔恨欺妄陰謀侵凌讒害
謗毀聖賢仙佛褻瀆天地神明等罪若果是清心
寡慾正直慈悲重重功德悉記善曹以須

假饒濁亂貪污奸回殘忍重重惡愆直書惡簿
聽候行誅或現前花報或死後果償善者生蓮

吉祥死還昇濟最上遂成佛道次亦不失人天
一往日躋覺路惡者生逢凶禍死溢沉淪漂轉
於三塗纏綿於八難萬劫不得翻身秉公明而
察善惡大圓鏡毫髮難逃按善惡以行賞誅定
盤星毫釐不爽如屋上的雨大雨大溜小雨小
溜一點一滴神靈極是分明又如地上的種種
粟得糧種蘭得香一根一苗造物豈差公案不
獨是俺們天王部

佛菩薩上帝高真真官仙

諸天曹使者上將逐日逐時下世界考校

只罰因果報應盛水也不漏哩可恨世人
尚自迷而不悟今是月之初八小聖不免下

世間考察一番分付神將力士曹吏隨行衆諾

末曹吏過來我下人世考察或親自按臨或憑

各境直日功曹城隍土地申報須要逐一登記

分明毋有差錯取罪不便曹吏諾未聞得定興

王木清泰他原是東華仙卿後證西方散聖偶

因微過謫降人間破賊立功封王受爵近爲西

方祖師賓頭盧蓬萊仙人山玄卿點化棄官入

道根器原好德行甚高吾奉天王勅命令我一
併查他果是如何須索走一遭也 並下

第十四齣

淨扮盧杞藍面上

利大機應險官高勢自炎名花扶繡轂華燭映
珠簾氣奪三光暗威行萬口鉗人知心不赤天
使面常藍自家唐朝大丞相盧杞是也地尊元
輔禮絕百僚天性貪殘機謀險譎簧鼓一搖萬
乘播吾舌底劍鋒 疑千人死我眉端生前富
告 社稷之安危死後浮名那管史書之香

正 有方星斗難逃其布算謀深無底神鬼
莫測其機關雲奔 集衣冠曉候門屏山積泉

流金寶夜輸庫藏酣宴則坐擁金錢趙女燕姬
盡皆列屋出入則道陳兵衛王公貴戚誰不迴
車只叵耐那尚書顏真卿這厮自負先朝老臣
粗立名檢強項骨骸不肯順從却又在人前說
我家君被難時這厮親舐頸血本無此事故造
狂言一班好名躁進狂生附了他與我作對大
小文武約畧三百餘人若不剪草除根一網打

盡難消我胸中忿氣抑且後患須防今日退朝
無事不免步入書齋屏除左右思量妙計傾害
衆官多少是好入書彙科未帶將吏上暗

淨顏真卿這廝頗有名聲百官倚重且這廝每
事執拗面折下官各官觀望所係首當剪除思

量科有計了李希烈背叛朝廷法當征討只說

真卿重望老臣遣他去說希烈可不煩兵而下
奏過官里就差這不怕他不去希烈凶惡異

倔強猶昔眼見得斷送這老兒也其餘

口員重則誣他謀逆輕則坐以奸貪或打
探其酒筵詩文之罪或摘發其帷簿牀第

曖昧之情或赤其九族或去其首領或削籍清
朝或竄身荒裔此時誰不落膽驚魂誰不箝口
結舌富貴長保後患永消好計好計諸公諸公
不要道我太狠利慾美物味類嗜蚊權勢危機
事同騎虎不符不然耳

皂羅袍莫怪心懷坑塹奈觸機太險嗜味還甜刀
頭切玉未云銛火光燒海方爲燄口中鼓舌身誅

族殲手中搥筆投荒弔炎真卿晚景遭吾陷有人
說功名富貴天命安排暗室陰謀神靈監察這
箇也不管他入道難明神靈誰見縱然有之我
也只圖目前罷了 末怒科

別腔

淨

天道神明無驗且身披綺繡口饜肥甘一

輪車轂紫駟駟兩行花燭紅妝艷百年富貴將人
口箝千秋史冊由他筆尖死圖珠玉還含殮吾計
已就明早上本坐 爭堂就行事了

真卿歿賊庭

百官以次受非刑

牙表有神察

且喜垣邊無耳聽

末大怒

盧杞這賊

曹地司時時報他罪業今

日我親臨不想他險惡如此將吏你們可將盧
杞陰謀直筆細書回奏天主顏真卿賢良君子
討賊立功懷忠抱道不幸以正直忤想眼見得
老死奸臣之手我們可以出力救他麼 神吏顏

真卿夙慕大道名列仙班祗以宿愆當陷賊庭
尸解得道遂證上仙大數已定不必拯救 末這
說得是

人間私語

天聞若雷

暗室虧心

神目如電

第十五齣

小生扮顧雕龍

小旦扮陳才

一剪梅

小旦上

少年吐語氣成虹名字雕龍才自

彫龍月明有女約房櫳地是臨邛人是臨邛小生

顧雕龍西蜀成都人氏薄有才華頗饒風韻雲

箋彩筆擅才子於西川翠羽明珠懷佳人於洛

浦與比隣女子陳

難才色相憐心期自許約

乘月來奔只得燒燭焚香薰衾拂枕以

見星踈銀漢檀燼金爐桂魄漸低蘭

膏半滅綠何尚不

來好生盼殺人也

前腔

小旦上

亭亭秋水照芙蓉心許題紅心愧題

紅欄杆花影月朦朧欲赴桑中怕赴桑中妾身陳

木難是也針桃刺鳳工蘇蕙之錦機曲寫求凰

慕相如之綠綺與文士顧雕龍有約夙夜赴之

陽臺非遠結想為雲桑濮可期敢辭多露行到

這里就是顧生門首不免叩門則箇

小生開門

相見科小生

女娘揚娥極態乞稱南國佳人小

生倚馬未工深媿西園才子今者握雨携雲未
睹卿面迎風待月實勞我心重門雖掩雙睫不
交數視明河頻聽清漏幸惠玉趾香閣生春使
小生喜而欲狂矣小旦兒之不才不能徵禮雁
奠乃爾託志鶉奔非止動于麗情亦難慕其才
藻故將圖百歲之好非僅邀一夕之歡既見君
子我心則悅

香柳娘想星河路通

在河路通巫山有夢踈簾

動慕君才啼螓慕君才啼螓羅襪露華

正紅繡衾初共

合

恐相逢夢中恐相逢夢中銀缸

前腔

小生

羨金蓮步工羨金蓮步工月華相送東

隣好事成窺朱看柔姿妙容看柔姿妙容秋浦落
驚鴻朝陽麗丹鳳合前衆將吏

你看文士顧雕龍心惟好色同巫臣之竊夏姬
女子陳木難情起懷春效卓氏之奔司馬並牽
愛河不以禮義同沉慾海自作罪愆顧雕龍命
合早中巍科官登九列今有才無行以情慾私

良家女子合當削祿減算請奏天主施行 衆諾
齊下

第十六齣

丑扮孟豸韋

外扮關真君

丑念我心非毒讐人眼自憎生來點白玉死
去做青蠅下官散騎常侍孟豸韋是也與司農
卿蕭黃流有不共之讐日夜忿他不過思量設
一計策害了他一家兒造計不難只恐謀事無
成反遭大禍我衙門中有關真君祠不免去卜
一籤成敗如何 拜科拜告真君下官孟豸

曹卿蕭黃流有不共之讐真君所知此
讐不可不報下官欲造一次謗奏知皇上害了

他一家不知此事成敗如何望真君報應 卜籤

呀此籤大凶真君我豸韋終不然就罷了此生

誓不與仇人同朝還當再卜 廟後大聲叫籤

飛出筒裂

呀祠後大聲籤飛筒裂真君大怒不

許我行此事真君真君你與蕭黃流有甚分義
直恁這般庇護他難道我孟豸韋就不做了自
古道矢在弦上不得不發真君有罪了 丑回至

書空未暗上介丑

來到書房不免掩上房門尋

思計較有了安慶緒既死史思明新叛我不免

誣奏蕭黃流交通逆賊同與反謀前日蕭黃流

與我同席席上曾說史思明也是一員良將朝

廷不能驅使以致披猖此語同席上的士大夫

盡聞不免將此情扭捏寫在本內事便實了侍

女捧茶叩門丑開門

丫鬟你送茶來門外幾時

了女相公關門不敢便叩門外等待多時了丑

得說些甚麼話女也聽得些相公要將

中謀害蕭黃流哩

丑背語

此語怎麼好

令丫鬟聞之自古道謀及婦人宜其敗也不得

不除了他

取劍科

丫鬟你先進去回覆夫人我

隨後就入臥房也

女行丑從後砍殺科

女子女

子這也是你命該如此不先不後來湊在危機

上誰令探虎口贏得送蛾眉不免修下奏章末

怒科

玉胞肚

丑

陰謀祕計禍臨門蕭郎怎知那關真君

呵縱擎雲隻手從空料通天羅網難提來朝一紙

書空已

上四十九

叩丹墀教他七尺云亡九族危只是可憐無辜殺
了這丫鬢呵

前腔珠沉玉碎怕漏春光梅英柳絲偶然間來叩
房櫳怎知他誤踏危機韶顏稚齒送蛾眉血污遊
魂何處歸

下未大怒科

孟豕韋這賊子好狠也

外

上落落英名蓋世昂昂義膽包身玉帝殿前拜
命金仙座下問津朗陵西臺執法玄元北極歸
真定目靈明作佛豈終英烈爲神某關真君是
明天王使者下來世界考察人間善惡

八少相見一番

相見平禮科末

真君久別

孟豕韋這賊子毒過蛇虎奸深鬼狐旣造大謗
謀殺忠良又以無辜戕殺婢子真君可見麼

外

使者我怎麼不見方纔此賊以謀害蕭黃流事
問卜於我我以大凶籤報之欲沮其凶謀他不
肯悛改再行問卜我稍顯威靈籤飛筒裂他竟
不回頭方當設計下手殺婢子時我便欲手誅
此賊奈他陽算未終蕭生大難數定是以躊躕
耳

神吏上

稟覆使者據各處功曹地司諸神申

報下界衆生造惡彌天種種不一中間作善者
雖有不如造惡者多只有定興王木清泰勤王
討賊竭忠建勳入道辭榮清修苦行從師雲遊
見闕鄉婦人黃妙瓊夫婦受冤行乞道路修書
與闕鄉令力救冤民罄賜囊中金寶見章丘呂
叟家貧年老鬻女遠方作書到家賜他白金百
兩又解頭上玉環一枚脫身上道衣二襲盡賜
老人單身露體全然不顧西天賓頭盧尊者欲
假以造殿盡取家貲一筆立書不顧

陽間作善無如此人外使者可識此
人麼此人原是西天散聖焦鏡圓以微過得謫
今功行將滿道品轉高可敬可敬使者考察已
完將回奏天主小聖奉別者下末分付將吏將
世間善惡開載黑白二簿逐一分明毋得朦朧
遺漏就還上界回奏天主去也

好事近絳節下雲霄萬國山河臨照金幢繡蓋仙
音一派繚繞斑龍先導御飛輪瞬息寥天杳破青
痕滄海猶微帶黑點神州何小

前腔職司採訪領功曹總一切大地閻浮考校貞
邪善惡寶鏡當空明了巡行四部奉天王宣化揚
丹詔錄金書善者褒嘉仗斧鉞惡行誅討

千秋歲陷官僚奸相陰謀巧七尺危九族難保賣
國欺君任賣國欺君隻手把日月等閑籠罩瞿塘
峽深機竅太行險藏嘖笑富貴千秋好儘家盈金
寶座擁娥媼

前腔逞風騷美姿色多才調蔡濮上目挑心招月
月下花前偷韓窺宋荒淫不道彌天謗

關

自禍憑空掉作孽真非小千生不赦萬

劫難逃

越恁好

合

幽房密室任幽房密室看炯炯察秋毫

百神森布列張電目垂天表鐵錚錚俊髦鐵錚錚
俊髦赤洒洒撇紅妝脫了紫袍虛飄飄水雲冷淒
淒百衲衣挂着瘦瓢甘冷澹弃繁華苦行因求道
宜名書帝闕寵膺真誥

前腔遍巡還遍察離紅塵返絳霄霞旗映空舉駢
日馭指星杓響璫璫珮搖響璫璫珮搖翠巍巍玉

雲花記

上五十二

蟠螭駕着綵橋轟亭亭帝居濟蹌蹌白玉堦千官
正朝吹龍箏咽鳳簫玄豹蒼虬遶紛鑿聲出戶桂
香夾道

紅繡鞋至尊御殿臨朝臨朝紅雲紫霧飄蕭飄蕭
覆金函回玉詔呈寶籙奏雲璈經處覽散仙曹
尾聲大明六合無私照蕩滌清虛理自超因緣果
報莫謂天公沒分曉

未 一日巡行四部中

飛輪萬里御罡風

暗室瞞天計

怎脫雲霄照膽銅

金瓏惣

上

匡扶迴帝輦乞恩再返衡山食絳雪

駐朱顏門多鸞鶴駕討論服炁還丹題寶籙列仙

班夜抱九仙骨朝披一品衣不食千鍾粟惟餐兩

顆梨李泌字長源神童應舉荷上皇巾角之知

藩邸遊從蒙令上布衣之好抱道懷才蚤期公

輔食霞辟穀笏慕長生不幸羯胡逆命上皇駕

幸於西川將士咸推太子卽位於靈武下官猥

以舊驩遂叅帷幄力贊廟算克復神京乃以性

少 齣

未扮李泌

外扮羅公遠

小外扮邢和璞

外扮羅公遠

愛烟霞志輕絰組乞恩拜表復歸衡山自眷丘
中之賞永謝車馬長安益多物外之交半是雲
霄伴侶羅公遠方士邢和璞真人近日遠訪下
官山居盤桓良久今日是下官賤降之辰安排
酒脯奉約三仙清燕想必來也 外小外上

前腔鸞驂雲路遠道衣盡染蒼烟眠海月祝融巔
鄴侯仙骨就來商出世因緣探秘檢訂真詮 相見

科外今日是長源華誕貧道有度索金桃爲公
會道有瑤池玉李爲壽 未金桃玉李人

壽當萬歲下官何德以當之感謝感謝

祇候此酒過來

排歌 未守靜存虛忘情斷緣霎時開透玄關河車
升降入丹田結就靈珠黍米圓 合加溫養鍊汞鉛
琴心三疊舞胎仙抽添好火候全迴陽換骨得長
年

前腔 外絕智忘形虛無自然窗塵片片飛烟鍊教

混沌軟如綿粉碎虛空別一天 合崑崙頂太乙巔
陽神八極任周旋驂玄鶴跨白鸞木公金母去朝

元

前腔

小外

列職清微書名玉編暫居洞府蓬玄積

功八百與三千金闕虛皇丹詔宣

合

飛形上拔宅

仙鷄鳴犬吠白雲間寥陽殿香案班逍遙永劫謝

紅緣

外

二公知道麼定興王木清泰辭官棄家從

師學道將證佛果超出仙宗其子龍駒遠來尋

父今日未時謁見長源也

小外

定興從師已往

登萊海邊去了其子遍覓無踪好生苦楚長源

他往文登界上雖不得遇必有消息

未

不必明言只指他東行便了

外小外

我二人暫時別去明日或者再會

未

多謝二位

真人

名山仙果助長生

外

自是丹臺注姓名

相業已成辭帝闕

合

仙風初播指瑤京

第十八齣

小生道裝上

金蕉葉朝思暮思為嚴親奔波路岐行不盡山間

水涯止不擇茅菴野寺父似雲中鶴兒如陌上塵

茫茫天地裏何處訪吾親龍駒離家尋父踪跡

杳然路上有人說同方外僧道往衡山來了行
到此處已是衡州地方一路聞宰相李泌隱居
衡山下大開玄門門多雲水或者他家有甚麼
消息尋問至此已是李公門首不免隱下姓名
只作雲遊道人求見則箇門上有人麼貧道雲
水間人聞相公大開玄門特來求見門上通報
科末上山中芝草長爐內藥苗新座少乘軒客
門多地鶴人道者何來小生相公尊坐容貧道
道雖托迹方外卻有苦情一言難盡未

尺宇朗秀器質溫良却像大家子弟不
類草野道流你實對我說小生家鄉姓名未敢
便對相公說且容訴苦情

二郎神心中事未開言先垂雙淚念貧道呵自幼
朱門嬌養子今來岐路那曾慣受淒其只爲嚴父
遠從方外侶訪遊踪乾坤無際枉歔歔恨天涯盼
斷迷離未道者你緣何尋訪到這里來

前腔小生悲啼逢人借問說南遊湘澧衡岳峰頭
捫隻履又聞公相天然道骨仙姿門外時時到雲

水儻萬一知些因依尋消息沒奈何來叩堦墀差

官上稟上老爺小官是汾陽王郭老爺差官老

爺華誕特具薄禮祝賀千秋末生受你遠來禮

物權且收下教祇候送差官耳房裏坐安排酒

飯待他官見小生科呀這是定興王木爺公子

怎麼道家裝扮來在此間末原來是木公子差

官你認得麼官定興王老爺是家老爺極厚同

僚通定往來小官怎麼不認得小生相公貧道

嚇公子此差官莫非認錯了官叩小生

末常隨家老爺到木老爺府中相見公

子怎麼一會錯是了是了近日木老爺棄官訪道

雲遊無信公子想必出外尋覓到此末我原說

此道者像一個大家子弟不類草野道流適纔

差官叩頭你不答禮卻不覺露出貴介行藏了

公子請以實情告我我知你尊公消息不必再

諱小生相公既知家君消息小生不敢諱了便

望相公指示去向末公子請坐老夫雖不曾識

荆公子卻與尊公同朝相厚你把令尊訪道情

由一一見教老夫要知他的行蹤這里也不難
小生相公在上聽稟

轉林鶯西郊車馬春日裏瞥然遇箇闍黎金針片
語還相契明朝道服撒手去天涯牽衣執袂做冥
鴻難繫冲霄翅記庭幃優曇手插花發是歸期未

尊公去後家中事體如何令堂夫人安否
小生

前腔門庭一旦涼似水我慈親靜室禪棲晨昏只
與蒲團對為兒怎忍安坐戀香閨跟尋到此顧不
得未水總堪悲流萍飛絮父子各東西未你

子自小嬌養如何僕從也不帶一二

人孤身獨行
小生相公聽稟

啄木公子我那家君呵穿芒屨擁衲衣萬里孤身
無所倚我為兒敢帶家奴也只獨走天涯瘦怯風
霜愁欲死行路相憐空浪指指向前途到又非望
公相說因依未不瞞公子說今日有二位雲水高

人見訪他知尊公消息同方外僧道雲遊往登
萊海邊去了你可急追到彼處必有下落
小生

多謝相公

前腔舒愁况指路岐東望蓬萊只杖底怎敢辭雨
帽風巾又何論重繭胼胝玉鳥安期尋故里蜃氣
樓臺海市裏又怕三山雲嶠迷便去莫稽遲小生

就此拜別相公未公子大孝尋親不敢稽留想

不會携甚路費左右取白金數笏奉贈公子贈

金科小生本不敢受奈長者之賜敬拜領一金

多則為累未這也是不敢相強

未孝子尋親實可憐小芒鞋踪跡遍山川

未杖履仙遊處合只在微茫雲海邊

上齣丑扮半天遊戲神繡襖上

小子一來伶俐性情有些狡獪輕鬆舌似絲綿

細滑身如油膩少年場裏馳名歌舞行中得意

慣能射覆藏鈎又會折白道字謳歌讓我祖師

蹴鞠尊我把勢也只對景逢場不用陰謀設計

金銀到手不貪花柳幫閑少睡何常學問秀才

到底風流子弟上帝說道此人佻健無甚大罪

鄴都地獄虧他蓬島仙鄉難去特敕六部諸曹

署我半天遊戲愈加好耍好頑落得無拘無制

那問往北來東頃刻上天下地銀河偷覩天孫
蟾宮調弄月姊曾陪方朔偷桃又看麻姑擲米
太白無賴老兒偷拐嫦娥侍婢被我宰地拏姦
雙雙磕頭下跪昨到東海遨遊龍王留我一醉
戲將鼉鼓打穿又把珊瑚擊碎挪揄分水夜叉
稱贊織綃娘子蝦將嫌他長鬚鼈吏嘲他短尾
大王怪我無知龍女笑我有趣也曾爬上天門
九關走豹猛厲銀瓜武士狼形金甲將軍粗氣
支語三言大笑絕倒無地撞遇上帝弄臣

罵詈 內叫 弄臣緣何罵你 丑 道我恁

地聰明平地便生妬忌生怕上帝喜歡奪了他的
權位小子乃半天遊戲兒郎是也昨日蒙西
天祖師賓頭盧尊者分付太原定興王公子木
龍駒來尋父親雲山烟水無處跟尋道路啼哭
甚般苦惱祖師與我一緘說是他父親的手書
教我到山東文登縣海邊交與木公子對他說
父親隨西天祖師蓬萊仙客雲遊十分快樂不
必挂牽及早回家唐天子查問定興要將公子

封王襲職也小子扮作樵夫迤邐行來已到文
登界上木公子不知那里小生哭上

霜天曉角嚴親何處道路迷雲樹無限傷心悽楚
臨岐望自躊躇好苦我木龍駒辭別母親出外尋
訪父親雲遊消息天涯海角四處跟尋並無踪
跡鄴侯李公前日說與兩箇僧道東遊蓬萊海
邊急忙追來此是山東文登界上怎麼得有父
親消息遠遠望見一个樵夫來了不免問他一
擊
介小生樵夫哥你可曾見有三箇僧道

行走麼小生借問丑小人見來借問官

人何處高姓大名小生小生姓木名龍駒山西

雲中人氏父親定與王近日辭家入道隨着兩
个僧道雲遊小生放心不下四處跟尋行了數
月不知經過多少路程並無消息好苦也小生

哭科丑官人不須啼哭原來是一位王侯貴公

子如何不携僕從單身獨行小生樵夫哥我家

豈少僕從只是父親孤身雲遊不帶一人小生
誓同艱苦亦是單行丑元來是行孝的官人有

緣有緣令尊大人小人曾會來前日我自山中
負薪入城在客店中邂逅令尊大人對小人說
我有家書一封託付與你儻遇我家小兒跟尋
至此可為我一轉付與他說我從師遠遊孤雲
野雀茫無定踪急早回家封王襲爵不必苦追
有書在此 丑付書小生看科 原來是一首詩野

雀元無定迹孤雲到處為家直待蓮生足下他
年相會曇花這詩果是我父親手筆曇花亦是
臨別手栽是了是了樵夫哥但不知我

你之後卻又從何處去了樵夫哥你可
憐我一身流落實對我說个去向 扯住丑科丑
公子休癡你父親業從雲水之遊豈肯便返既
有曇花之約何必多憂須索快回去也

香遍滿

小生

遠來東土迢遞裡訪蓬壺蹤迹我巖

父誰想道雲海茫茫欲覓知何處歎咫尺不見空
留下一紙書這書札空留在也轉教我心頭苦

前腔

丑

勸君休苦你父在異鄉雲外侶知他是白

鵲凌霄羽蓮臺得證日曇花有時聚這書札應留

在也好轉慰你高堂母

小生 樵夫哥你說我的母

親起越教我好苦也

青歌兒我母親朝夕裡相盼覩懊恨我當初不便
相隨去到如今何處去追尋報深恩做未得慈烏
反哺便能如丁令威化雀歸怕遼陽人民非故樵
夫哥自從我父親出門求道我母親傷感也奉
佛修行了

前腔我父親脫朝服去遠尋印度我母親卸花誥
禮佛素我父諸姬並解羅襦甘守着梁家的

荆

香清還洞府我一身冰冷支門戶

丑 原

來如此一家都已入道難得難得公子修行是
好事不必苦苦傷情令尊大人眼見得成道也

前腔你至親骨肉並離垢汚汝父有慧根蚤見靈
光透露况有明師引金繩指修行徑路又何如龐
居士散寶珠一家兒同登蓮土

小生 樵夫哥是則

是修行好事爭奈父子恩深此情難忍

前腔丑情關父子心自苦且回家列職承茅土願
你精忠報主努力起雄圖父擁幢幡趨紫府兒榮

冠蓋昌朱戶公子你尊公既有下落又得手書快

回去慰你令堂太夫人努力功名豈不是好小

生如此別了回去多謝帶書請問樵夫哥姓名

異日重逢可以相謝丑我山林野客不留姓名

偶爾致書何勞稱謝公子請了下

小嚴親雙足追飛電生遠自空中墮雲翰

上窮碧落下黃泉丑兩處茫茫尋不見下

丑上我小子一生遊戲六合飄零到底無歸終

戈昨日在三天門下見天王使者對將士

才因果今日又聞木清泰一家入道使我

悔心竈一起道念勃興遊戲門中如何是了不免

將遇見木公子致書一節回覆西天祖師便求

度脫者下

第二十齣小貼扮房瓊瑤

菊花新旦上朝來合掌叩蓮臺親見蓮花葉葉開

貼小旦金粉褪香腮久矣不勻眉黛相見科郭賈

二姬我和你們在此菴中焚香洗鉢禮佛參禪

甚覺清幽只是相公雲遊無信孩兒尋訪未回

好生牽挂人縱有楊枝水怎生消此離恨

貼小

旦夫人我老爺蓋世英雄雲遊必有下落公子

青年純孝皇天必相吉人想目下回來不須愁

悶 小貼上

意難忘鏡匣慵開看門庭似水綦履誰來幽禽鳴

玉砌文石綉蒼苔遊子去幾時回雲水路滌洞消

不盡靡蕪帶恨瑤瑟含哀妾身房氏小字瓊瑤乃

太尉長瑄之女嫁與木公子爲妻公公訪道無

七尋親未返門戶好生淒冷婆婆在菴中

行不免省候則箇婆婆萬福 旦媳婦到

來 貼上且相見小貼 婆婆公公訪道無音夫婿

尋親未返婆婆又與二姬在菴中修道偌大門

戶如何教媳婦女流獨自承當 旦媳婦其實生

受你你丈夫尋親去了數月公公見與不見好

歹早晚回來你且寬心

紅衲襖 旦我想着賦遊仙郎杳然又可奈去尋親

兒未返望雲山不知人近遠倚空門都着忘歲年

他待要駕金鰲踏寶蓮又待要驂白鵠乘瑤輦因

此上揮手紅塵泛紫烟

前腔

小貼

堪嘆他訪庭幃途路艱只是我守房櫳

緣分淺但願取覓孤鴻有信傳又何須畫雙蛾諧
繾綣自與他折垂楊春路邊轉眼是冷蒹葭秋浦
滿只落得一水銀河兩眼穿

前腔

貼小旦

我當日按笙歌紅象板今日裡頂星

辰碧玉冠蚤晚間靜焚香清可憐也未免夢爲雲
難自遣知他去禮慈容在兜率天又未知抱仙骨
在蓬萊元只落得銀海茫茫路幾千

淨上

仙風超

八

俠氣重千秋義愧啣珠報恩將結草酬我

老兒蒙定興王木公憐我家貧賣女贈我玉環

一枚道衣二領又賜一帖教我到他府中領白

金百兩我老兒得此儘可過活愛女免嫁遠方

不當得隴望蜀但木公雲遊家中必無消耗我

既得遇如何不去報个信兒來到此間訪得夫

人們一輩都在蓮花菴中修行不免竟到那門

首一看呀元來菴門緊閉不免高叫一聲裡面

有人麼

旦

倩香菴門外有人高叫敢是公子回

來你快出門前一看相見科淨娘子拜揖小老

路上得遇你家定興王老爺特來報信要見夫

人貼原來如此夫人在菴內待我進去稟過召

你相見稟夫人外面有箇老翁說在路上曾見

老爺傳得有信要見夫人旦既有老爺信息快

召他進來召見科淨夫人小老跪見旦老者不

必行禮你在何處得見我老爺快說淨稟告夫

人小老是章丘人氏家貧年老單生一女事出

無淨只得賣與征西將士爲妻正在路上啼哭

伊淨撞遇定興王老爺道家裝扮同兩個方外

人行來小老原認得定興老爺的就上前去相

見動問因而告訴苦情老爺惻然動念就把玉

環一枚道衣二領賜與小老又賜一帖教小老

徑到潭府領取白金百兩供養老景免使有女

此離小老兒思量起老爺恩深如海義重如山

只此已是難酬怎敢得隴望蜀只是思量老爺

雲遊消息想府中未知小老既得遇老爺如何

不來一報非是爲無厭之求旦生受你老人家

既來報老爺路途消息我這里金銀不難我且
問你老爺有何憑據與你見後又往何處去了
淨 夫人小老別老爺時也曾問老爺去向他說
孤雲野雀何有定踪有書一紙送上夫人看驗
旦拆書看悲介 媳婦二姬你看這書果然是老
爺手蹟只教發銀百兩給助呂翁並不曾說起
家中事情與路上風景你看他一味道念一片
剛腸我看此書轉添愁悶老爺善行不可食言
我三菴中久不理家事媳婦你可去取白金百

兩兩助此翁以全老爺信義小貼取金奉旦旦

老者你可領此金去儻日後再得老爺消息你
可再來一報淨夫人與老爺大德小老怎麼又
可叨冒不是報信只來求金了旦不必固辭快
領了去淨拜謝科 祗傳一紙信又得百金還下
旦 媳婦二姬老爺雖有書來依舊不知去向如
何是好

江頭金桂纔喜得天邊魚雁又誰知冥鴻竟杳然
只待檀波六度廣種悲田斷恩情骨肉緣隔萬水

香山行行更遠贈別時有繡囊珍寶教你緊帶身
邊又誰知你不留一錢料飢寒難免料飢寒難免
淒涼怎遣謾憂煎你本是相府貂蟬客怎做得沿
門託鉢禪

前腔小貼報一幅雲箋乍展早已向遙天滅霧烟

他則怕有人物色轉生留戀因此行踪更遠貼小

且雖則是訪佛求仙別離鄉縣也須念的親骨肉

直恁大飄然又不知東遊海山西園苑枉臨風哀

怨枉臨風哀怨龍鬚席捲和那雁柱箏寒好一似

藕斷絲難斷萬里關河一線牽

不是路小生上踏遍雲山赤縣神州脚底穿波清

淺蓬萊海畔阜鄉邊有書傳只逢片紙難逢面鶴

背安期不可攀空勞倦壽昌尋父無由見只恐慈

親又淚漣教我怎生宛轉相見科且孩兒你回來

了可曾得見父親麼小生母親聽稟孩兒一路

打聽父親消息有人說我父同兩個雲遊僧道

往山東登萊海邊去了一路追趕到文登縣遇

着一个樵夫偶然詢訪誰想這樵夫在旅店之

中正好曾遇我父親與他一封書札教遇孩兒
時交付與我書現在此旦你既遇此樵夫說遇

你父親寄有書札便好問他父親下落可曾得
相會麼小生孩兒此時急問父親去向樵夫說

交付書札即便別去那里知他去向因此不曾
得會旦悲科止見書札不見父親一面却也枉

然取書來看小生書札在此旦看科原來是一

首詩野雀元無定跡孤雲到處爲家直待蓮生
足下他年相會曇花這是你父親親筆書既見

此書也便知雲遊真消息了你父臨行手插曇
花爲記如今書中又道及此必有緣故自你父
親去後我一向不曾到曇花閣前我們大家同
去一看你父親手插榮枯何如行科看曇花科

旦好奇怪好奇怪曇花果然生長長葉抽枝西
方佛樹東土難栽且又無根如何得活書中道
及事豈偶然我再思量起來你父親寄書怎麼
就知道樵夫必然遇你更不寄與他人同行僧
道兩人或者就是前日郊遊撞遇的若非聖賢

焉能片言點化你父親此時多應成道也

憶多嬌見此札心轉切曇花果茂枝與葉是我夫

君留為別合采真問法采真問法看取如來記前

前腔小生空遠涉親怎覓苦欲渡河無寶筏猶喜

曇花經時苗合前

鬪黑螭小貼丈夫你萬里孤身迢迢遠撇我一日

三秋相思怎歇牋鴻到鏡鸞合轉念高堂淒風凍

月合悲笳暮咽東隣機杼軋縱有寒衣縱有寒衣

關山河處可達

前腔小旦老爺你浪逐萍踪芒鞋自挈我冷落

花房被紋自疊心應斷意難說強把金爐名香夜

蒸合前

旦雲海路沉沉小家書抵萬金

小無從天外覓貼好去夢中尋

第二十一齣丑扮陳瑚小外扮汾陽王

外末上滾滾紅塵天外碾絲絲白髮鏡中催生

上牀別了鞋和襪天曉知他來不來弟子好告

師父弟子昔日奉肅宗皇帝命往西蜀奉迎上

皇鑾駕回京因與西川節度使嚴武有八拜之
 交此人豪俠好義似有宿根弟子願往彼勸化
 此人同來入道不知師父高見如何外此人外
 節可觀內行多缺近被冤家訴告上帝惡業纏
 身你既與他交好急去救度亦見你朋情我兩
 人不須同往送到潼關相別待你回來又在潼
 關相候那時同赴天堂地獄一度衆生生多謝
 師父如此同行丑騎驢上日暮蒼山遠天寒白
 屋貧柴門闔犬吠風雪夜歸人今日天氣寒冷

好風雪也

外看丑科

萬形雖有異一性本無差

對面不相識孩兒騎阿爺

丑怒

這禿廝可惡你

看我騎着驢子怎麼對着我說這個話

外你不

要罵我且自問他

驢子忽作人語介

我陳瑚之

父陳贇是也這是我兒子我為這畜生苦掙家

產多使機關廣行侵害以是罪業受報驢身畜

生無知既騎了我又罵菩薩天豈容你

丑驚下

痛哭拜外科

原來如此凡夫昏迷既不知父親

墮在畜生又不知和尚是個菩薩罪該萬死只

望菩薩慈悲救脫吾父

悲淚叩顙科末生

愚夫

無識苦惱可憐惟願慈悲不恡說法

外也罷陳

贊今生造業應墮此胎宿有善根故得遇我我

將西天梵語與他說四諦十二因緣度脫他

作

梵語科

陳贊陳贊我適纔與你說萬形雖有異

一性本無差對面不相識孩兒騎阿爺我問你

甚麼叫做有異甚麼叫做無差對的是何人識

的是何物

掌拍驢背一下

你省得麼驢作人語

科我省得了省得了拜謝菩薩度脫

磕頭謝跌

亮科外

好了好了陳瑚汝父乘吾法力已脫驢

身上生切利天去也

瑚泣拜謝介

多謝菩薩拔

濟父親如此深恩萬劫難泯弟子從此回去亦

辦道修行矣

下末生

師父如此慈悲不惟陳氏

父子含恩我弟子兩人不勝感激

外

西來我三

人雲遊次第乞食前面高門大宅就是郭汾陽

家我們進去一化齋何如

生

師父弟子與汾陽

舊僚相善或者不好去得

外

不妨不妨他如今

也不認得你面龐了

生

如此同行

同到郭府科

守門將上 蔡戟侯王第沙堤宰相家你這三個

僧道到此何幹 外要見郭老爺化齋 門將老爺

在待我替你們稟過 小外上大將三朝老中書

二十秋兒孫俱尚主子壻盡封侯把門將吏門

外何人 門稟上老爺門外有三個僧道化齋求

見老爺 小外僧道化齋不須見我也罷叫進來

相見 外末生相公拜揖 小外好不知禮從何方

來 外貧道們是從西方來的只如世法大將軍

原有揖客若論佛法沙門不拜王者 小外這和

尚不凡看坐 外上坐科小外和尚看你氣貌必

是有道高僧請問佛法 外佛法者無佛可做無

法可說若云有佛可做是名謗佛若云有法可

說是名謗法無佛無法是為佛法 小外講得有

理果是高僧道者請問仙道 末仙道長生對彼

短命凡夫學仙須學長生及至成仙生亦不用

生既不用長短何為躉住玄門終趣覺路 小外

也講得好這一位道者像似新出家的我且借

問我有一僚友定與王木清泰辭榮入道踪跡

杳然你三位既在雲水可曾相遇麼外曾相遇

來他如今從師往西川去了小外他是蓋世英

雄破浪乘風恁能迴棹我已暮年衰朽臨崖勒

馬尚未收韁可歎可歎外他能迴棹須云早公

便收韁也未遲小外這又說得好叫左右看齋

來葷素各備還將酒來惟三位師父所用左右

設酒席科小外三位師父用素用葷外葷素都

用只不戒酒小外送酒與三師父科

入聲甘州逢塲對景倚画屏把酒何妨乘興朱門

香逕達人看做柴荆今朝喜無軒冕迎雲水相逢

分外清合寫情斝相將綺席瑤京外末飲酒噉肉

科生不用小外這一位道者何獨不用酒肉生

貧道有戒小外難道這二位師父是不戒的生

笑此非公所知

前腔外末生王門偶然掉臂行看金屏繡褥不礙

壺水污泥清水香發蓮花瑩淨流風徐度歌管聲

殘雪初迴舞袖輕合前小外叫左右後堂喚侍姬

紅綃白紵帶領一班女樂侑酒左右呼姬侍衆

上

不是路鸞鏡翠蛾輕蟬鬢玉釵橫宋禕翽風歌舞
分行逐隊行絃初整玉人指冷怯銀箏喚卿卿花
氈繡毯安排定羅襪香塵莫蹙停嫋婷婷紅綃白
紵舊知名為誰承應左右今日老爺宴三个雲水

僧道喚你們承應哩衆姬笑介僧道出家人怎

麼要看我們歌舞稟上老爺侍姬紅綃白紵帶

領一班女樂叩頭小外見了三位師父衆姬三

位師父萬福小外衆姬歌舞替三位師父送酒

衆姬諾送酒與外未接科送生不接生貧道不

敢

解三醒

衆姬

雪花飛光搖金鏡梅英綻香撲銀罌

笙篴彈傍疎簾冷雲水士烟霞性誰令來聽絃上
聲又只見玻璃盞盡傾雕欄凭雕欄凭蕩春心似
不轉雙睛

前腔

小外

是高人玉壺相朗映他自對景解忘情

未可評將看做行雲流水都不定歌宛轉舞輕盈
歌宛轉舞輕盈歌舞場中邀得仙人下玉京真僥

雲花肥

上七十六

伴真僥倖小可的疑是天樂蓬瀛

黃龍滾犯

外末生

你看步搖輕條脫冷步搖輕條

脫冷簾蒜屏綃隔障生蘭麝銷金鼎蘭麝銷金鼎

又聽響一派別院簫聲斷送晚天將暝

前腔調鳳管炙鵝笙調鳳管炙鵝笙又見銀臺絳

蠟明卻被雪風吹酒醒雪風吹酒醒最喜良會未

央清宵正永怕的是斗轉參橫

滾遍

衆姬

繡闥瑤楹雪色燈光相並只聽得城上

譙樓角聲鳴初報嚴更主人分付舞衫休冷歌

喉重整

合

華堂添許多風景華堂添許多風景

前腔銀蟾耿耿素手亭亭一片寒香疎影夜深何

處落梅聲夜深何處落梅聲江上飄來鐵笛橫

合

前

前腔雪銷殘嶺雁度寒汀鴛瓦棲鳥不定

指外科

山僧布衲冷如水山僧布衲冷如水宿火琉璃映

膽瓶

合前

前腔嬌痴不醒女觸金屏臺上銀缸半暝

指末科

道人倦枕藥珠經道人倦枕藥珠經縱有青鸞跨

曇花記

上七十七

未成 合前

鵝鴨滿渡船 外末生 只見歌殘玉樹傾粉褪胭脂

冷風入燈霜侵鏡漏盡聞鐘磬可惜好花枝春去

也誰管領無多良宵好光景從古歌樓舞榭皆荒

徑

尾聲眼前盡詫豪華盛流霞飛電真俄頃不如回

首尋清淨 小貼 稟上老爺那僧道臨了的說話儘

有道理只是他們既為僧道如何不持戒行飲

酒食肉 小外笑 師父這是那妮子說得是 外末

相公說不食不食的就是貧道們奉還 外末吐

介衆驚科 老爺大怪事這二位師父吐出魚兒

變做活的肉轉鮮美酒卻噴香 小外 可知二位

師父不是凡人下官適聞收韁之語心頗有省

雖不能如木公離家學道從此以後當稍減聲

妓在舍修行也左右整三處館舍留三位師父

宿了明日還要請教

外 歌罷筵收夜色闌 末 天厨香積一般餐

貼 瑠玕吐出渾無恙 合 始信江南有膾殘

生弔塲一從雲水已蕭然何意重登歌舞筵舊
日風情磨滅盡這回真个火中蓮師父相挈到
郭汾陽家汾陽都不復識我面貌神仙妙用如
此妙哉行雲流水不妨便宿王家且待我坐
片時免生昏散花神上百花娘子占芳菲萬紫
千紅好讓誰獨憐青帝能相護妒殺封家十八
姨妾乃汾陽園中花神是也奉西方祖師命令
我假扮作汾陽府中侍妾紅綃去試木西來道
念來此就是他的宿館不免叫開門開門生何

人叩門

開門科

呀小娘子何來

神

妾乃汾陽侍

女紅綃是也絃歌選伎竊自恨於朱顏琴瑟和
聲願永諧于白髮今見師父道素襟懷英雄氣
色使妾半生愜願一見輸心妙選才調非止如
卓女之奔相如渴慕英賢敢自附紅拂之歸李
靖惟師見容生說那里話貧道雄心盡剗慾念
全消既歸道門更持僧律任他天女覷爲革囊
豈放摩登毀吾戒體汾陽乃一世豪傑三事大
臣汝爲其家姬豈可犯此宵露敗彼門風便當

學本言
速回勿貽後悔神師父差矣豈不聞婆須叟舌
不礙成真羅什吞針猶然畜婦何況我師乎朱
門甚密清漏已沉妾既呈身理無退步惟師裁
之生胡說彼大菩薩如污泥蓮花妙在不染我
初學人如洪爐點雪豈敢試嘗便請速回遲必
取悔

金谷園神朱門閉歎終無下稍青鬢老問幾時還
少徵歌舞何年是了因此我這紅綃待學紅拂訪
英豪

真慶子你雄姿秀骨風度好瞥然見把人魂消又
不是琴心相挑一意願咏桃夭諧白髮附青霄
忒忒令生託身在烟巒霞嶠那管你風情月調既
撇卻兔絲了既撇卻兔絲了豈復惹閑花草虛勞
你神女陽臺自信襄王夢寂寥

伊令神知君當日原是濟時豪女蘿嫋嫋願得附
松喬况值此清漏正沉朱門俏錦衾羅薦問明日
天涯遠道燕約鶯期百歲鸚鵡在此宵
品令生你花容月貌空自逞妖嬈我守着寂寞禪

心我守着寂寞禪心衡一味冰清玉皎梅花信杳
桃源路遙好收拾錦堂中風月好收拾錦堂中風
月休賣弄朱顏只把蛾眉自描

玉交枝

神

于飛堪效雨雲期休辭暮朝念奴亦是

連城寶一宵兒千金怎消已來河畔鵲填橋空啼
洞口花相笑諧鳳侶寒更正寥怕鷄叫房櫳清曉
豆絲黃

生

休撥琵琶別調我這里貞心怎撩只道

你是蘭蕙堅操只道你是蘭蕙堅操郭府紅綃誰
知你是花柳風騷侯門女妖休恁苦相邀休恁苦
相邀纏枝葉轉生禍苗

江兒水

神

玉鏡人歸嶠秦樓女嫁蕭仙家種玉藍

田好金屏牽線紅絲巧桃花引入天台妙勸你不
須推調成就一夕雲翹須仗五百年前月老

川撥棹

生

令人惱我鉄石心怎變了可惜你柳媚

花嬌可惜你柳媚花嬌沾惹了烟藤露稍玷侯門
犯正條污鸞釵羞鳳簫

尾聲繁華棄擲因求道論絃歌吾家不少爲甚孤
身雲外飄女子快迴避你主人知道看你爲何如

人若稍遲延吾當取壁間寶劍斬汝神元來木
公道念清潔如此可敬可敬不免回覆祖師去
罷海水可竭泰山可傾彼道人者秉志堅貞下
生這女子忽然不見想是花月之妖我說汾陽
府中必無此事

可是花妖可是狐 崔家玉盃只歸盧

革囊見試無勞爾 心比蓮花愛水枯

第二十二齣淨扮嚴武挾侍兒上 小旦扮

夜行船 手握貔貅身似虎 嗟一病喘息殘軀粉黛

慵看絃歌厭聽早晚黃泉舊路下官西川節度使
嚴武磊落雄姿昂藏俠骨西蜀擁旄身當虎將
南山射獵手格熊羆不想近日偶染一病遂至
郎當昏聩難支淹延待盡侍兒一切人事且都
不要報我待我靜攝一番則箇

前腔生上 纔出潼關經蜀土過棧閣已到成都城

閃朱旗衙開畫戟千里轅門訪故木清泰芒鞋託
鉢已到成都此間就是嚴公帥府不免叩門求
見則箇內宅舍人上生 貧道是嚴老爺故友特

從長安來相訪煩爲通報一聲舍俺老爺有病
怎麼敢報也罷難爲你迢遞遠來待我替你一
報相見可也不定你在門上伺候鬼卒帶王婉
娘鬼魂頸帶琵琶弦上

前腔

小旦

脉脉冤魂沉水府親叩闕得請天都寶

劍清霜牙旗旭日且向高人泣訴

與生相見科木

相公萬福

生

娘子何來

小旦

妾乃鬼也本姓王

氏小字婉娘長安人氏乃金吾小校王驤之女
頗諳音樂素善琵琶西川節度使嚴武未第時

流落長安與妾隣居窺見妾姿色用計誘挑妾
不合允從竊帶宵奔西出潼關妾父訴之金吾
大將軍奏聞朝廷差羽林軍星夜追拏嚴武負
心見追勢甚急將琵琶絃勒死妾身沉屍川江
追軍拏獲查無實跡僥幸脫免官至節鎮妾在
泉下沉冤二十餘年近日始訴冤上帝許妾索
命報讐來到此處幸遇大師將冤情控訴妾要
見負心人乞大師帶我一進去生原來如此待
我先進去替你轉達舍稟上老爺門外有一道

士說是老爺故友特從長安來相訪求見老爺
未知容否淨我有病不見客既是方外道士或

者是个異人有海上奇方可療我病請他入來

舍諾請生進見科嚴節度相公貧道不敢稽首

了與相公別來許久有何貴恙淨素不曾相識

有勞光顧生曾與相公有舊想貴人忘了請問

尊體如何淨下官一向強健近日偶染一病十

分沉重道者有甚奇方可療賤恙生奇方頗有

貧道有一言唐突適纔候見門首有一女鬼顏

色甚麗向貧道行禮說也要求見相公報仇索

命不得以奉告淨怒介這妖道胡說下官負

意氣人平生不曾作甚虧心事焉得有此生相

公貧道焉敢妄言此女頸帶琵琶弦血尚淋漓

想必就進來了豈是浪語淨驚懼就几上叩頭

求救科是了是了大師聖人也果有此事本末

已露焉敢相瞞既蒙通言便望大師救拔生倘

可相救貧道不敢辭你看女子進門來了小旦

入門見科嚴公別來無恙妾爲女子失身從公

是妾之罪也千里宵奔豈無恩愛官軍追急棄
妾而逃亦無不可奈何殺妾沉屍川江公心不
太忍乎好色則竊女而潛奔急難則殺人以自
免公真負心人也渺渺重泉沉沉長夜冤魂不
散屢泣江波近日始得伸冤于上帝許我索命
報讐吾奉天敕而來頸血未消鷓鴣弦尚在可速
就死毋得稽遲

淨又叩頭科

不才知罪了當時

事勢窘急計出匆忙負卿深恩情罪甚的一死
何辭不才意欲爲卿修懺誦經裝佛造塔廣作

功德超度冤魂庶幾彼此兩利貸我一死娘子
意下如何煩大師爲不才善言方便

生娘子是

則是嚴公負你今來索命嚴公難辭一死然於
娘子無益不如容他廣作功德超度誠爲彼此
兩利娘子請細思之

小旦

大師這箇卻使不得

桂枝香重泉無路幽魂誰訴靈隨夜月波濤泣斷
寒江烟霧羅衣盡消羅衣盡消玉骨都無埋處愁
來千緒謾欷歔縱有琵琶調湘靄不共居

生娘子

說來其實慘戚事已往矣請自寬懷

小旦恨科

前腔宵行多露恩情忍負試看頸上鴟弦是妾傷
心痛處家鄉又遙家鄉又遙空望一江雲樹誰澆
椒醕望成都猿嘯連腸斷鶉聲帶血呼

淨乞哀科

娘子不才罪惡深重不消說了只望娘子寬貸
後恨難消前情可念

小旦又恨科

賊事已至此

還講甚麼情分你本是個最反心人方在髫年
便手刃父妾拾遺杜老曠世逸才遭逢兵難以
窮婦你一言不投便欲按劍屢次將拾遺鄉赴
市曹若不是冠纓屢挂簾鈎你母親急救一代

才子死在汝手久矣你久鎮西土枉殺平民不
計其數我得請上帝先發難端後來索命者紛
紛尚衆你勿謂死者無知我今現在上帝分明
汝豈能逃死

剗歛兒 天宮高聳紅雲護冤情上徹紫霄居蛾眉

一伸訴英雄告徂鵠鷓晈晝呼妖蛟夜舞蚤赴鄠都
難逃地府

淨又乞哀科

功德超度必然有益便不

報前仇也罷了

小旦

賊子遲了

前腔雖然佛力能超度何當怨鬼在冥途昔彭生

枉死黑豕人啼如意醜亡蒼狗晝現司馬捐生凌
達爲厲桓溫絕命殷涓當車鼉錯不忘十代之讐
楚王難免六世之烈自古報冤豈止於我從來盡
償負冤深怎逋血痕尚污哀情正苦急辦紅羅安
排黃土下淨罷罷罷我嚴武也是个好漢怎麼苦
苦向裙釵手中求活分付家人急辦後事大師
遠來好生受你多慢了侍兒着人相送

英雄蓋世氣橫秋 一旦淹淹作楚囚
寄與世人休造罪 冤冤相報幾時休

生弔場

嚴公嚴公木清泰遠來指望點化你入
道誰想墮落至此空負我一場好意臨行之時
我祖師將此事早已說破吾師真聖人也不免
回到潼關相會則箇豈無寶筏駕玄津爭奈裙
釵意轉嗔正是藥醫不死病祇應佛度有緣人
生欲下小旦去頸弦整衣巾上介 大師大師賤

妾重泉下鬼難遇至人幸借天緣敢求一言超
拔生你報怨雪仇嗔心正盛我奉齋持戒道力
尚微佛法人我雙忘冤親平等若要消除災障

晨昏一句彌陀 小旦 大師世人那箇不曉得念

一句彌陀 生 世人口念彌陀心馳雜想有如口

口彌陀心心淨土何患不蓮生足下旛現眼前

小旦 多謝大師指教了 下生 真个藥醫不死病

果然佛度有緣人 下

第二十三齣 外帶將卒上

瑞鶴仙青史錚錚者論英雄義烈真傾夷夏炎精
欲灰也待隻手風雲雙擎日月古今正氣不消磨
列名天闕只靈臺一點皈依三寶蓮花座下三天

上將萬神欽仗劍皈依功德林淘洗得來惟淨
業消磨不盡是雄心蕩妖馘怪天曹事救困扶
危烈士襟隻手拏雲飛電去魔軍戈戟正陰森
自家關真君是也寸心萬死從真主於顛危一
劍三分吹炎劉於將燼日月山河長存正氣嬰
兒女子咸識英名斲留曹魏竟謝奸雄惡知己
而奔劉用伸臣節坐鎮荆襄威揚華夏奈天數
之去漢豈曰人謀生握銅符望麾蓋者魂銷氣
壓三分虎將死歸金闕登將壇而氣肅威行八

部龍神天曹列爲大帥緋袍玉帶久著蕩馘之
勲上帝錄我微勞青札瑤編遂證真人之位誦
貝葉真經入彼土梅檀之林討其淨行參蓮花
寶座取佛前楊枝之水灑我壯心今日在雲端
照見唐朝定興王木清泰棄官入道持戒修行
禪心甚堅道果將證近從西蜀回來被小魔王
這廝嫉妒高人愆其成道中路發十萬魔軍圍
住木公木公雖雄槩千古力敵萬夫止有一身
怎當魔軍十萬眼見困厄我爲佛門大護法主

豈容坐視不免點起天兵十萬一面奏聞上帝
一面征勦則箇分付衆將校點起天兵勦滅魔
軍就此前去者

衆應科

北新水令

外

手提一劍掃群邪見空中陡興妖孽

怪風吹八表黑雲彌四野敢肆凶劣逗引我怒懷
起壯心熱

南步步嬌想當初國難從昭烈一片精忠竭群雄
亂似麻誓死間關大江百折驅馳劍戟走龍蛇蒼
茫南北無寧帖

北折桂令嘆王孫四海無家把錦繡江山做瓜果
分裂好教人苦費周折鞍不離馬路不停車捱過
多少百戰豪傑那一時不拚了胸中熱血纔掙得
鼎足勲業不爭差一些英雄送也又奈可五丈原
將星宵滅

南江兒水往事休題者潸然情慘切夷陵黑土銷
兵鐵永安黃草平宮闕蜀山空顯軍書峽白帝城
餘暮堞先主祠荒那里覓翠華玉柙

北雁兒落帶得勝令不爭道萬夫敵不下的雄威
傑單收我一點擲不折的忠心烈擔乾坤挂日月
姓名兒注帝闕仗蕩魔朗陵鉞建執法西臺節休
劣假饒是逆天心我便待行天罰手兒裏定盤星
太分別

南僥僥令那英雄駟正轍邪鬼漫相遮疾速點起
天兵者自古道救人時須救徹

北收江南呀雖則是蓋世大英傑奈眾寡不敵些
則怕補天浴日手受磨滅虛負咱們護法急打疊
磨旗搗鼓發丁甲

南園林好明晃晃剛刀偃月密札札長戈耀雪排
陣勢軒轅法禡大牙玄武訣飄屋瓦走飛沙

沽美酒帶太平令看蜀道蠶叢路賒妖氣暗三巴
大漢天師曾殄絕今日還猖獗抖撒起衝冠怒髮
用得着舊時俠烈指顧間把魔軍抹掇不霎時將
高人救拔忙發疾發若是稍遲些那重圍怎生得
撒

尾聲天兵十萬親提挈一道流星飛電躡雷撼天

關龍戰野

並下

第二十四齣

淨扮小魔王領衆上

生平慾怒逞英雄貌似修羅氣吐虹一與諸天
鏖戰後至今擁衆住魔宮自家小魔王之神是
也在三界稱雄住七寶宮殿聚百萬之鬼兵抗
衡上帝乘五行之敗氣蠱毒生靈赤臉獠牙盛
列前隊花容麗質充滿後宮樂戰鬥而行威極
荒淫而娛志與天界爲敵國視佛子猶水火下
方但有成道者則我魔宮震動闔室不寧以此
不得不八口飛精多方燒敗近日窺見下界定

興王木清泰棄家學道勇猛精進屢經磨鍊大
道將成大不利於我不得不除之聞其獨身自
西蜀還潼關不免點起十萬魔兵中路圍而擒
之又聞此人雄槩千古力敵萬夫雖然驍勇子
然一身怎當得我雄兵十萬衆寡不敵必成擒
矣分付將校點起衆兵疾往西蜀路上生擒木
清泰論功行賞衆應下生上西州迢遞返潼關
棧閣巍峩不可扳若要度人先自度身無寶筏
只空還木清泰從成都返潼關崎嶇千里志願

不酬空勞跋涉呀忽然間黑霧漫天陰風刮地
飛沙走石好生怪事又見陰兵十萬彌山塞野
而來不知何故淨統兵上大叫科大小衆軍齊

力向前生擒木清泰衆持兵仗前捉生生奪仗

鬪科生你們何處陰兵誰爲主帥素無仇怨何
故見侵淨我乃小魔王之神是也久慕雄風欲

收你在部下相助一臂之力怕你不從特起大
兵劫你你可望風納款當署爲大將掌握重權
倘或不從立爲齏粉生吾已入道爲佛弟子焉

肯陷入魔軍有死無二吾師佛祖仙卿道力弘

大我天生豪傑既歸佛門何憊汝小魔淨怒大

戰三合淨大叫木清泰果英勇絕倫分付十萬

雄兵合圍圍住定要生擒此人又戰生被擒科

淨好好木公你既已被擒料得難脫羅網可便

降順必當重用勿自取危亡生我一代英雄販

心三寶今日有死而已豈肯降魔淨怒介這厮

無禮叫衆將校可將木清泰上了銅枷鉄肘押

送黑山獄中牢禁衆諾

淨戰敗成擒尚不臣教伊頃刻化微塵

生頭顱腦髓憑君取一點靈光是佛民

第二十五齣淨上

帳下貔貅雄似虎宮中粉黛美如花行樂宣姪

聊快我泥犁阿鼻且由它自家小魔王之神拿

得木清泰果是英雄好漢押入黑山獄中要他

降順今日不免親到黑山大張威勢不怕他不

從來此就是叫黑山獄將押犯人木清泰出來

獄將押生扭肘上

生查子

生

本待度迷津誰料逢衰運猛拚死魔軍

誰肯輕降順

淨

木先生你是一個蓋世英雄非常豪

傑我這里富貴上擬天宮威權不讓玉帝你肯

降順管教官封上將富敵侯王

生

胡說我木清

泰棄家學道苦志修行大唐天子的王公也不

願做做你魔鬼的部將

淨怒

可惡料你網中窮

鳥釜底遊魚一犯吾威立教齏粉你敢在我跟

前大言違抗

生

小魔我辭家出門那一會兒已

將性命置之度外了飢鷹可喂餓虎可食那怕

你來

錦纏道

我本是大丈夫回頭采真行萬里只孤身

出門來已將性命浮雲俺也曾扶王室定江山掃

清虜塵那怕你逞凶威妖鬼魔神看浩氣塞乾坤

這頭顱兒屬英雄數盡我丹心耿耿存拚七尺何

妨齏粉肯無端俛首作魔民

淨

這厮無禮教將士

綁出去斬了

普天樂

生

盼師尊潼關近望不得雲端信這是我

這是我命合災屯願捨我水泡波浪作青天鬼燐

雲花記

上九十四

單保得這靈臺一點無塵

淨

左右一刀殺了他到

便宜了教擡萬鈞鼎鑊滿中置油大火燒起又

這厮活烹了

衆諾設鼎爇火科

古輪臺

生

任魔人總然一死又何分烹當五鼎男

兒事陰陽熾炭大冶洪爐分明是釜底遊鱗頭斬

春風吹光割水緣知四大本非真也強似熬煎慾

火竭脂膏翠黛紅裙還想那金鎗迦老刎頭師子

宿冤安世難至豈無因從今去蓮花一路涅槃門

尾聲形骸糜爛何須恨燒卻虛空幻影塵纔證毗

盧不壞身

下探子上

報報報大王禍事到了

淨探

子報何事喘息稍定慢慢說上來

北雁兒落

探子

顛巍巍旌旗風雨翻莽騰騰號令

雷霆迅忽喇喇江翻地軸搖撲鼙鼓響天關震

淨那里兵來

北鴛鴦煞

探子

關真君親挂先鋒印領天兵大擺

軒轅陣六甲隨車五丁夾盾更兼那八部從征蠻

雷齊奮要剪強梁聲聲道扶持危困飛虎躍火龍

奔大王呵急戒車徒早征進

淨

獄將把木清泰依

舊收監傳令將士火速點起神兵迎敵則个衆
應科

北倒拖船

淨

傳號令點三軍點三軍抽戈躍馬走

風雲走風雲那怕天兵雄十萬管教一戰化微塵

合頭觸不周山亦破至今天雨漏秋旻

前腔

衆

刀似雪劍如銀劍如銀前駟戈戟後車輪

後車輪將領區區何足論從來上帝戰波旬

合前

淨分付十萬神兵將三萬分爲左右二翼二萬

牢把中軍三萬留作後隊更進迭退二萬寸險

處設下埋伏吾自有神通法術制伏天兵也衆
應

淨五行乘其敗氣

衆

劫運肆我群魔

淨從古橫行三界

衆

天兵其如予何

第二十六齣

外領衆上

叫衆將校前面陰風黑霧之中是魔軍屯劄所
在木道者已戰敗成擒我們放陣殺上去

兩軍相接科外 你那魔鬼生前依憑血氣播惡生靈

死後自署魔王宣姪宮殿嫉妒熾盛罪惡貫盈

廣積罪愆必入無間地獄萬劫不得翻身尚不
思悛改侵害大德高人天兵到此火速投降去
邪端正稍若遲延立爲齏粉淨不必多言俺這
里只管廝殺混戰不分勝敗外與淨對陣

北出隊子

外

你可也道天兵來到早則見你魂已

消尚兀自刀仗陣前挑怎當我青龍偃月刀呀管
教你餘生斷送了戰科外

倘秀才那怕你神妖鬼妖則教你魂消膽消俺八
面威風透九霄遭逢爲碎粉觸着化塵囂你波旬

怎逃

又戰魔兵放火科外

慶東原那怕你滿口吹將妖火燒也不須吞江吸
海把水來澆只憑俺龍泉三尺那怕鬼計千條只
將刀頭兒一搖妖光隨手滅烈焰一時消又戰淨

火被滅了

魔兵作大風科外

雁兒落你待使林下封家嫂我則見枝頭少女逃
我旌旗不動搖你瞬息旛竿倒又戰淨風又息了

魔兵作大霧科外

沉醉東風作氛霾將乾坤暗罩五里霧你待學張

超俺胸中氣星辰耀手中刀將日月挑只一晃早
見青天如掃堪笑你鬼妝喬弄甚圈圍只怕伎倆
窮時手脚兒露了又戰淨大霧又散了怎麼好作

驚介外

十憂傳俺喝一聲喝得天關掉掂一下掂得地軸
搖指頭兒將你瞳神子擡刀尖兒將你天靈蓋敲
把鑕鐵兒剖你尻將水晶兒鹽你腦殘軀兒難藏
藕竅斷魂兒送入鐵圍牢千年好漢風烟盡一世
英雄湯雪澆這是你自取也難饒又戰淨大敗走

科外生擒魔部將鄉科魔兵大敗小魔王遁走

餘衆星散不必追拏了

滾綉毬你看魔軍四散逃旌旗滿路拋血淋漓
體猶跳聲慘切新鬼號咷委屍骸藉道旁折肝腸
塗野草俺鼓笳連凱歌正鬧流矢疾捷騎飛跑宣
九天絳霄金闕號代三寶神將藥義勞委實雄梟
醉太平歎木公人品高那魔子枉爲妖英雄百鍊
秉堅操喜么麼盡勦奉揚帝命張天討扶危濟困
行天道功成振旅覆天曹不負俺奔波這遭帶那

魔將過來如來弟子木清泰如今現在那里
魔將稟上真君小魔王將他上了銅枷鉄肘禁在
黑山獄裡外叫將士押了這魔將急到黑山救
出木公行到黑山取生放枷肘科與外相見科
生拜謝科貧道塚中枯骨獄底遊魂幸蒙真君
天兵救援此恩何時得報外公王室熊羆佛門
龍象應證上果豈陷魔軍小聖位列天曹職掌
護法擒勦稽遲致驚大德惶恐惶恐生再生之
恩萬劫難泯

尾聲除妖蕩怪功非小一霎時乾坤朗耀準擬金
書爵位超同下

雲花記

雲花記上卷終



